

# *OWERYA WA*

## *MULUKU Wo ORUKUNXA*

♪ Kooxukhuru, munna. [Munna Carl Williams oniira, “Vekeekhai waamukhala mureerelo Munna Branham orwa imaara sinci-ene oPhoenix. Miyo kinoona wira owo onnirwaaxa oPhoenix ovikana nipo nikina. Ni hiyo nintthuna wira owo otthikele orwaaka, vakhalaru wira kiri vaava, khula enamuna. Muluku ooreeriheni, Munna Branham.”—Mol.] Kooxukhuru—kooxukhuru, Munna Williams.

Mooxeeliwa, apatthani. Miyo ka . . . Ela ya amusi Shakarian, Munna Williams ni Munna Williams muthiyana ni anci-ene aya va annisuwela eyo. Miyo kaahoona eyo mwa yoowoona, iyaakha soophiyaka piili owo ohinatthi owereiwa, vano ehiraneya.

<sup>2</sup> Nto mwaisana okathi waary’ahu wenne, kookupali wira waari Janeiro, vamuthukumanoni, waari okathi namukuttho ole (Nsina nawe ti pani? Kinooliyala nsina nawe vano.) aari vaava. [Ookhala oniira, “Stanley.”—Mol.] Stanley, Pixipu Stanley, a ekereja Katolika. Munnuupuwela okathi owo aakiruuhenlyaaawe Bibilia, moosuwela, nto owo khukiirela . . .

Yaari anci-ene elaleeryaka s’eprofeta, “Mwan’aka, moovonihawa.”

<sup>3</sup> Ni owo aanisuwela wira yoowoona yaahimmye wira owo khaarowa okhala mukumi. “Owo aamukhwa eriyari ya iwoora piili ni tthaaru voosiisu.” Munnuupuwela yeeyo? [Ookhala oniira, “Ayo.”—Mol.] Vano, iwoora piili wala tthaaru.

<sup>4</sup> Ni nkaawerya omuleela Demos. Ni nnakhala vo kahaaleela ame awe oomuphwanya, musala, nipo nlo nno. Miyo khwira, “Owo khonrowa okhala mukumi.”

Muhano Shakarian iirale, “Ahe, atthu othene anoolaleerya s’eprofeta.”

<sup>5</sup> Miyo khwira, “Vekeekhai, vaamuweryaneyea miyo ovonya, yoomi, masi miyo khuhimya. Owo khonrowa okhala mukumi.”

<sup>6</sup> Miyo khwaahimeerya anci-ene, iyaakha soophiyaka tthaaru sivinre, “Miyo kaahimoona owo aatthimakaka mwaha wa ekumi awe, ni khurowa vooilini. Vano owo khuvenxa matata khukhuwela akiihanaka, siiso. Nto miyo—miyo nkaawerya hata omphwanya. Vano nto miyo khumoona owo akhwaaka. Vano miyo khuweha, nto yaahikhala etthu, yaahikhala eroroco, nto yaahimya wira yaari etthu eriyari ya iwoora piili ni tthaaru.”

<sup>7</sup> Vano nto pixipu khwira, “Ahe, miyo kinooweha koone moota enuireyaaya.” Tivo, yaahiireya.

<sup>8</sup> Hiyo vekeekhai ninnikhupanyerya. Kinnoona wira ekereja yoopweteiwa mutthu muulupale, wa Munna Florence Shakarian. Masi, owo aari mulipa-oowiipa muulupale, owo aari muthiyana oosareya Erooho.

<sup>9</sup> Miyo kaari n'ame awe; ame awe yaari mmosa w'atthu ookumana oopacerya waarainaaka Olimani Onkela nsuwa, okathi ame awe yaavonihiiwaaya. Okathi mameetiku... Awo yaahitupha, ni othene oowiipelana. Nto siiso me—meetiku aari vale khukiirela, khwira, "Vano mukhale oomaala saana mwaavekelaka. Muhinyakulaxe. Muthiyan'ovo onimookhwa."

Miyo khwira, "Ayo, mulopwana."

<sup>10</sup> Nto owo khwira, nto, miyo khutthikela akileelaka paahi. Nto, ahe, yaakhala ntoko, nkaakhalanne hata okathi w'otthukula eyano aka.

<sup>11</sup> Tivo, aari Munna Demos aakileenle wira kirowe kiwele kamoone.

<sup>12</sup> Tivo, miyo khuwela ixikatta s'osulu. Nto Florence aarookokhora vathi, vano mwali mmosa ooreera, ni athiyana akina-tho. Vano miyo khurowa khunvekelela, khumuhimeerya. Vano owo aari oohisuwela. Vano khumuhimeerya wira aanvenya-tho. Vano owo aahivenya. Miyaakha miili ohoolo waya, owo khukhwa. Nto vano Muluku onnaakhula mavekelo ahu.

<sup>13</sup> Ni hiyo noosuwela wira, hiyo ninnaamini wira hiyo othene nirwiye mu ni otthuna wa Muluku, ni ninkhuma enamuna emosaru. Mmosa-mmosa, khula mmosa ninoolapuwa mukhora ole. Ni mwaha wa yeeyo niryaaahu va voosiis'ula, nithukumanne vamosa mwa Opatthana nno w'Alipa a Nakoso aKristu, wira nilavule itthu iya, ni wira niitthokiherye seiyo, okhala wira noosuwela wira vekeekhai sinoorwa.

<sup>14</sup> Vano Munna Florence mwaamuthiyana, a miyaakha miloko mixexe ni miili, Munna Williams onoomalaru okileela, ni mwali saana. Masi awo ehinatthi... owo aahisuwela wira aahikhala eretta ela, vano, miyo kaahoona yoowoona ya yoowo, ni khukileela yookhumela awe. Vano, yaamukhala... Muluku onnisuwela sothene sa yeeyo, ni owo aahimoona Yesu mpaani owo ohinatthi orowa. Hiyo khanintthuna onvekelela paahi, okhala wira niihira eyo vanci-ene. Hiyo nintthuna paahi nimuxukhuru Muluku mwaha wa ekumi yaari eriyari ahu, enithokeleinhe hiyo othene, ntoko Munna Shakarian muthiyana.

<sup>15</sup> Ni nintthuna ninvekelele Munna Demos, Munna Rose. Ni muupuwele, awo annikhalanaka soorika mmakhaleloni mwaya, mwa sookiserya... t'atithi awe, ni murokor'awe vano mwa yawawe... iyaakha sookiserya. [Ookhala onlavula ni Munna Branham—Mol.] Masi, ni, ayo, woohikhala ntoko... voohiphiya miyeeri muloko; ni Munna—Munna Edna, nave.

<sup>16</sup> Tivo, miyo koosuwela moota woomukhupanyerya Munna Demos. Kaahikhalaana tiithi, muhima, mwaar'aka, ni mwaana, aronwe muhina mwa mahiku vakhani oohiyana, tivo miyo—miyo koosuwela moota sinoonaawe voosiis'ula. Nyuwo munsuwela paahi okathi munikhala'anyu muxapatthoni mwemmo, owo p'ukathi munsuwelaanyu moota w'okhupanyerya. Ni . . .

<sup>17</sup> [Esisteema PA enoonyakula—Mol.] Miyo kiirihale eyo. Mukilevelele. Miyo kirookwanny ekaruma yaamukhaami vathi va nipuro nlo, ni ntata naka. Tivo m—muswammaha kiroonyakulihaxa, nave kihilakenle wira.

<sup>18</sup> Tivo nrowe nivenye vano okathi hiyo . . . mwawerya vale, vakhala wira ti . . . Nuuramihe muru.

<sup>19</sup> Tithi a Wirimu, hiyo noothukumana va voosiis'ula wira nookkhorelekeni Nyuwo, ni nooxukhuruni Nyuwo ni woottottopelani, mwaha wo onveleeliha Yesu Nvuluxa ahu, wira nikhalane nroromelo ekumi ila yamalaru, woonaka wira ti yoohisuwanyeya wira ninookhala mu okathi wothene. Nto, Tithi, woona mikhalelo sookhupanyereya irutthu iya sikhanlyaya ophiyaka-mo, ninnitteeliwa murima ohikhalaka ookhala muumu okathi wothene. Nyuwo mookhalicha ephiro y'ovuluwa, wa ekhato eyo ya mookhwaani.

<sup>20</sup> Nto, Tithi, hiyo ninnooxukhuruni Nyuwo voosiis'ula, mwaha wa ekumi ya mmosa aakhala ni hiyo, voohivikana mwaakha mmosa ovinre, aipaka mittottopelo Sanyu, Munna muthiyana Florence Shakarian, ntoko naamusuwelaahu. Ni Nyuwo mwaahinileela khalayi-ene, hata miyaakha, wira ela yaamurowa wiiraneya, wira ehikhale yooxankihaxa wa hiyo. Ni hiyo noosuwela wira Nyuwo enihimyaanyu ekeekhaii. Vano nto Masu Anyu anihimya wira, "Mutthu oniyariwa ni muthiyana, t'osareya mahiku vakhani ni oosareya mikattyamiho." Hiyo noosuwela wira eyo ekeekhaii, nave, Pwiya. Noosuwela wira hiyo othene nihaana ovira ekhato yeeyo. Tivo hiyo ninnooxukhuruni Nyuwo mwaha w'ekumi awe yaari muumu elapo ya vathi. Ni naaminiki mwaha wo waamini, wira vano, voosiis'ula, owo ovira emp'ela yootakhaliwa ya iretta, akelaka mw'eruthunyi yoovuwa ehinkhalakhala ewereiwaka. Ni irattelo sawe s'owiipa, ni nsu owo aarinaawe, ni erooho awe soosareya mahala ni Kristu! Vaaweryaneya vale owo otthika voosiis'ula, owo khaarowa wira hata vakhaani; owo aahaana ovira-tho mwa yothene ela. Yeeyo, emanle vano, owo ori n'ame awe n'atithi awe. Awo aamwiitthana mwan'aya owaani. Tivo, hiyo—hiyo ninnooxukhuruni Nyuwo.

<sup>21</sup> Hiyo nintthuna nave nivekele okurunuxiwa murima, wa Munn'ihu Shakarian, munn'ihu oophentiwa, nisuwelaka wira ma—makhalelo owo onikhalaawe, ni soohaaxa owo oniviraawe-mo mahiku ala ookiserya, ni moota owo oryaawe; omoona uuluvalaka, ni maihi awe emmoraka, ni makhata awe

akhurupuwaka, ni nnakhala vo ailipihaka okhala vapuwani mwaha wa Muluku. Muluku, munvahe ikuru olelo. Hiyo ninvekela, Muluku, wira Nyuwo munvahe. Wa ale othene ooriipiwa murima mwaha wo orowa wawe, hiyo ninninvekelela khula mmosa.

<sup>22</sup> Ni munitthuniherye, Pwiya, okathi onuupuwelaahu yeela, nuupuwele wira ni hiyo nihaana orowa nihiku nlo. Nikilaanthe-ene vamosa va Ohoolo wa Pwiya Yesu, ninoovekelani Nyuwo wira munuupuxerihe eyo mmuruni mwahu. Ni munitthuniherye niwehe, p'uhimya wene, wala otthokelela makhalelo ahu yoohi, wira nikhale vathi va Ephome ni mwa Waamini. Munivahе, Pwiya.

<sup>23</sup> Vano ntoko miyo sineehereryaaka vathi va ihaali iya wira kaaruuhеle mutthaka mwaamukhaani atthu, olelo, kinvekela wira Nyuwo mukikhaliherye, Pwiya. Mukilipiherye, maana miyo—miyo—miyo kinniphavela, Pwiya. Ni kinvekela wira Nyuwo munivahе. Ni wira ethu ehimmwe paahi wira yoottittimiheni Nyuwo. Ni akhala mutthu oniiwa nsu nahu voosiis'ula, ohilikanne wira okumane ni ewoora eri ohoolo waya, ola okhale p'ukathi awo anrowaaya wiivahererya wa Yoowo ohimmye wira, "Miyo k'Ephiro, Ekumi, Ekeekhai," Pwiy'ahu Yesu Kristu. Vano hiyo ninvekela mwa Nsina Nawe. Amen. (Mukilaathiki.)

<sup>24</sup> [Ookhala mutthu vaplataforma onlavula ni Munna Branham—Mol.] Munna va ontthuna osuwela vakhala wira atthu othene anniwerya wiiwa oratta-ene. Owo orina miikoro miili soothukuliwa. Sothene siri saana? Munniwerya wiiwa? Nvenxe matata mwaaweryaka vale. Munniwerya wiiwa? Nvenxe matata. Vaareera.

<sup>25</sup> Kinnoona othunku ohikhalana nipuro n'okilaathi atthu othene voosiis'ula. Ni nинrоромела wira nkinrowa okhala osulu nno okathi munci-enexa, voophiyerya paahi wira khino eniruuhele khino osoma wa Masu; wira Apwiya Muluku anoottittimiha Masu Aya ansommwa, ni onivaha mahala Aya, wira niweryeke waарumeela Yaawo ni yeeyo.

<sup>26</sup> Vano miyo kooleeliwa ni Billy Paul, voosiis'ula, wira khino vanooweryaneyea olavula Ettiminku enrwa wAsempeleya a Muluku Grantway, oTucson. Akhala mutthu va a oTucson, pooti ohiwoonani esumana yeela. Kinrowa okhala wa Asempeleya a Muluku Grantway, Ettiminku enrwa.

<sup>27</sup> Nto vano ninoomalaru otthika Onikhuma nsuwa, ni kihiikhulumula vakhani, mwaha wo oreera murima, wowaatta wa atthu mmiyaakoni wu. Ni—ni kiwereiwa, tivo nkinoona saana esumana ela. Tivo, mukivekelele. Nto . . .

<sup>28</sup> [Ookhala oniira, "Asarikeya oowaatta."—Mol.] Munihimyan? ["Asarikeya oowaatta."] Munna Carl Williams ni mukhalelo awe wo otheiha, ni miyo kinoona wira ninniphavela naanaano

va, owo oirale, "Asarikeya oowaatta." Nkinsuwela ya yeeyo, Munna Carl, masi ikhopa soowaatta.

<sup>29</sup> Tivo mwatthuna onvekelela mutthu voosiis'ula, vano, miyo—miyo vekeekhai kinnixukhurela yakhala mavekelo anyu wa miyo, okhala wira miyo—miyo kinniphavela.

Vano hiyo nintthuna nikеле naanaanoru Mmasuni.

<sup>30</sup> Ni nkintthuna woopisihani va vanci-ene, okhala wira kookupali wira wookhala olkariwa wa telefoonni mulaponi mothene, voosiis'ula, onkhuma Olimani Onkela nsuwa mpakha Olimani Onkhuma nsuwa, okhuma Onkela epheyo ni Okuuusini. Sinci-ene, mithukumano sinci-ene sookhalana esisteema ela ntoko nyuwo othene saarinaanyu vaava otapernakulu. Nave yoolikaraniwa ni oPhoenix, wira mapuro othene miteko s'okohorela sinkhalaaya, sirweeke olukama mu... Ni awo anthukumana mukereja ni mmaitthokoni, ni itthu siiso, ni niwimpi nooveyaxa. Awo aniira wira ti nooreera ovikana eprokrama ya muraatiyuni. Ti olkariwa wa telefoonni, awo amuhenle namwaakhela wala mikorofoonni, wala ethu p'itthu, musaala. Ni awo... Amwaar'aka yiirale, erumihiwaka okhuma oIndiana esumana evinre, mpakha oTucson, yaakhala ntoko yeemenle okatthi. Vano hiyo ninvekela wira Muluku aareerihe othene ale wu muliinyani voosiis'ula, khula nipuro varyaaya. oNova Yorke vano enookhala, oh, oxekuwa, ni okathi woovirikana okathi enviraaya mulaponi.

<sup>31</sup> Vano muLiivuruni mwa aRoma, kapiitulu 12, ni iversiikulu 1 ni 2, nintthuna—nintthuna nisome Yoolempwa ela.

*Tivo kinnootumereryani, axinna, mwaha wa ikehrari sa Muluku, wira nvahereryeke irutthu sanyu ntoko mukuttho mukumi, wooreerihia, ni woomusivela Muluku, okhanle ottittimiha wanyu woomalela.*

*Ni muhiilikanyiheke ni olumwenku ula: masi murukunxiwe muuluulaka muupuwelo anyu, wira nwerye osuwela ethu ekhanle yooreera, ni yooloka... yooreera otthuna, woomalela, onimusivela Muluku.*

<sup>32</sup> Vano, Apwiya yatthuna vale, kintthuna kikuxe mwah'aka voosiis'ula, ntoko: *Owerya wa Muluku Wo Orukunxa*.

*Wira muhikhaleke oolikana n'ulumwenku ula: masi mukhale... murukunxiwe muuluulaka muupuwelo anyu, vano, ni musuwele ole okhanle otthuna wooreera, wooloka, ni woomusivela, Muluku.*

<sup>33</sup> Ti yoosoma ya khalayi yoolimaleleya yeeyo ancienne wa mapastore anyu anrumeelakaaya mwa okathi anyu. Ennirumeeliwaka okhuma okathi Eyo elempwaaya. Masi nnakhala vo, ethu emosa ya Masu a Muluku, Awo khankhalakhala yuuluvalaka, okhala wira Owo Mulukuu. Khankhalakhala yinnuwaka. Mwa khula nloko vano, mwa

iyaakha soophiyaka, ikonto piili ni imiya thanu na tthaaru, wala ovikana, Masu ala a Muluku annisommwaka n'atthu, anamukuttho, ni akina, nave Awo khanuuluvaleke. Miyo kinnisomaka Awo, yoomi, mwa miyaakha miloko miraru ni mithanu. Ni khula okathi kisommaaka Yaawo, kinniphwanya etthu esya yeeyo kaapiphileyaaka emaara yoopacerya. Okhala wira, Awo t'owuupuxeriwa ni Muluku, Owo Mulukuu mwa mukhalelo wa ewarakha. Moone, Iyo mikhalelo sa Muluku olavulaka, ni siheliwe vapapheloni.

<sup>34</sup> Imaara sinci-ene, mutthu iirale, “Ahe, vano, mutthu t’omulempe Bibilia ola.” Nnari. Bibilia onnihimya, Mmansawe, wira Muluku t’omulempe Bibilia. Awo Masu a Muluku.

<sup>35</sup> Ni Awo khanatoko ovonya. Yesu oohimya, “Erimu n'ilapo ya vathi sinoovonya, sinoovira, masi Masu Aka khankhalakhala avonyaka.” Ni Awo khakhanle ovonyaka, ni okhalaka Muluku, okhala wira Awo epantte ya Yoowo.

<sup>36</sup> Vano nto nyuwo muryeene mwan’Awe mulopwana ni muthiyana, nyuwo mwa epantte a Yaawo, nto eyo ennookhalihani epantte ya Yoowo. Tivo hiyo niruuly’ahu wira nipatthane vamosa va Masu a Muluku.

<sup>37</sup> Vano nuulumo nla *orukunxiwa*, kooweha mutisiyonaariyuni, nsana. Okathi, waahalelaaya okipweteya okathi waarnaaka okhala va, okathi waaphavelaaka yoosoma, vano miyo kiphwanya nuulumo nla, ahiiso yoosoma ela, kiireke, Yoolempwa. Ni mutisiyonaariyuni enihimya wira “etthu evirikanahiwi.” Onkhala “ovirikanahiwi.” *Orukunxiwa*, “opakiwa voovirikana n’ile yaakhanle, ennkhala... mukhalelo aya ni itthu sothene soovirikanahiwa,” *orukunxa*.

<sup>38</sup> Nto kaanuupuwela voosiis’ula, mwa Maphattuwelo 1. Olumwenku ula waari woohikhala mukhalelo, ni waari w’ohikhala etthu ni epiphi yaari vasulu va elapo; hat’etthu woohikhala evutukavutuka voomalela. Nto okathi olumwenk’ula waaryaaya ni mukhalelo yoowo, Erooho ya Muluku yaaneetteetta vasulu va maasi, nto elatarato yothene khurukunxiwa; okhuma mw’evitikavitika yoomalela, khukhala ematta ya w’Edeni. Iwo owerya w’orukunxa wa Muluku, onwerya okuxa etthu ehikhanle hat’etthu khukhalicha etthu yooreeraxa ni yeeyo. Owerya wa Muluku onrukunxa!

<sup>39</sup> Ni hiyo ninnisuwela eyo, mwaha wo osoma Soolempwa, wira Muluku aahikhala thanu na mosa—iyaakha ikonto thanu na mosa atthokihaka wira opake Edeni ila. Vano, Owo khino khaapinse siiso; masi waakanyerya paahi, ni okuxa mwa Soolempwa memmo Eyo ehimmy’aya wira “nihiku nimosa ni Muluku, sinkhala iyaakha ekonto emosa elapo ya vathi,” eyo ti wii, vaakhanle wira Muluku aanaalikela okathi. Ni nihimye wira saari iyaakha ikonto thanu na mosa Owo aakunxaawe opakaka

elapo, ni wira Owo aahaala mulaponi epyo yothene yooreera. Saari sothene soolikana oratteene.

<sup>40</sup> Kinoona wira, imaara sinci-ene, okathi hata alipa-oowuulumela ampaceryaya osoma Eliivuru ya Maphattuwelo, awo annipacerya wuulumela Eyo, okhala wira enikhala ntoko Eyo enimwiithikela Mmansaya voohihiyererya, wala wootepanyani mno ni iwe.

<sup>41</sup> Masi hiyo naweharu okathi vakhani paahi, nihinathhi okela mwa yoosoma ahu, wira, Moise aahoona yoowoona ene. Ni Muluku aahilavula ni yoowo. Muluku aahilavula ni Moise ethomi ni ethoni, eyano ni naaru. Vano, Owo khaatonko olavula ni hata mutthu mukina siiso, ntoko Owo saairalyaawe ni Moise. Vano, Moise aari muulupale, mmosa wa maprofeta aalupale wa othene aya. Owo aari ethoonyeryo ya Kristu. Nto vano Muluku onniwerya olavula, Owo ookhalana nsu. Nihiwiwa. Muluku onniwerya olavula.

<sup>42</sup> Ni Muluku onniwerya olepa. Muluku oolepa Sooruma muloko ni ekatha Awe Yoowo. Owo aahilepa ixiri sa—sa oPapiloonya emaara emosa, ni ekatha Awe. Owo aahuurama khulepa okathi mmosa vamuthaakani, ni ekatha Awe. Muluku onniwerya olavula. Muluku onniwerya osoma. Muluku onniwerya olepa.

<sup>43</sup> Muluku ti Ephattuwelo ya mahala othene ni Owerya, ni wa osuwela wothene wa oMuluku, ori mwa Muluku. Vano tivo, vannisuveleya wira, Owo ti Mpattuxa mmosa paahi okhanle. Khuuvu mpattuxa mukina woohikhala Muluku. Satana khonwerya opattuxa, hata etthu, owo onoohonona paahi ele epattuxiwe. Masi Muluku ti Mpattuxa mmose-ene.

<sup>44</sup> Tivo, Owo aapattunxe ni Masu Awe. Owo aaveleelinhe Masu Awe. Tivo ipyo sothene Owo aahenlyaaawe elapo ya vathi, Owo aapanke ipyo iyo ni Masu Awe Mwaneene, maana kхиyaakhanle hat'etthu ekina vookumiha-vo epyo. Owo aaroohela, ni iyo saari vathi va maasi. Owo iirale paahi, “Ekhale *ela*, ni ekhale *ele*.”

<sup>45</sup> Vano hiyo ninnoona wira, imaara sinci-ene, enikhala ntoko wira Bibilia onimwiithikela wala onihimya etthu Owo ohinihimyaawe. Mwa nlikanyiho, mwa Maphattuwelo 1 ninniphwanya wira, “Muluku aampattunxe mutthu ailattanihaka Yoowo Mwaneene, amulattanihaka ni Muluku aahimpattuxa; mulopwana ni muthiyana Owo aahaapattuxa.” Vano nto Owo onootthikela, ni itthu sinci-ene saahikhumelela elapo ya vathi.

<sup>46</sup> Vano ninnoona wira, khaakhanle hata mutthu wira alimeke etthaya. “Vano Muluku khumpattuxa mutthu vatthayani v’elapo.” Owo aari mutthu oovirikana. “Nto Owo khwiiseeleta erooho y’ekumi mwa yoowo, vano owo khukhala munepa mukumi.”

<sup>47</sup> Mutthu oopacerya aari elatarato ya Muluku, ekhanle Erooho. Yohani 4, onihimya wira, "Muluku Eroohoo, ni ale animukokhorela Yoowo ahaana omukokhorela mw'Erooho ni mw'Ekeekhai." Masi Muluku Erooho. Nto mutthu oopacerya, Owo aampattunxe-awe, aari mutthu erooho, vano owo aari oolattana ni oolikana ni Muluku.

<sup>48</sup> Vano nto Owo khimuhela mutthu ula mw'erutthuni, vano mutthu khumora. Vano nto Muluku aahikhuruwa khukhala ni mukhalelo wa mutthu, wira Owo anvuluxe mutthu yoowo omonre. Owo ti wahala eekeekhai a Ehapari yooreera, wa yawaka—mwa muupuwelo aka.

<sup>49</sup> Vano, Muluku, mwa iyaakha ikonto thanu na mosa, aahaala ipyo iya sothene sooreera, ahiiso Owo aahilavula Masu Awe. "Enrowa okhala enamuna *ela*. Onrowa okhala mwiri *ula*. *Ola* onookhala." Sothene saari sooloka voomalela. Saari sooreera paahi. Ni Owo aahiruma khula emosa wa ipyo iyo ele yaarowaaya okhala, iyo saamurukunuwa mmansaya sikhale mwiri wa khula muthinto wa ekumi Masu a Muluku yaalavunlyaaya wira saamurowa okhala. Vakhala wira waari mwiri karvalyo, waahana okumiherya karvalyo. Vakhala wira waari mwiri wa makutthi, waahaana okumiherya mwiri wa makutthi.

<sup>50</sup> Okhala wira, Mpattuxa muulupale aahiveleeliha Masu Awe paahi, ni Masu epyo yaari vale epyo y'ekeekhai ehinatthi hata opakiwa. Nto Masu khupaka epyo. Moone, "Owo oopaka olumwenku mwa itthu sihinooneya." Moone, Owo—Owo opattunxe olumwenku ni Masu Awe. Muluku oroolavula sothene wira sikhale.

<sup>51</sup> Ni oryeene Muluku, Mpattuxa, alavulaka itthu sothene wira sikhale, waahaana okhala olumwenku wooloka voomalela. Naari ni—nipuro nooreera. Yaari e—eparatiiso yooloka vekeekhai muumu elapo ya vathi.

<sup>52</sup> Vano, ntoko, khula nipuro nihaana okhalana nipuro nuulupale nipuro nlo. Muthukuman'ola wookhalana nipuro nuulupale, ni nikhuru nla nookhalana nipuro nuulupale, ni ekereja yookhalana nipuro nuulupale. Ni Muluku ookhalana nipuro nuulupale. Nto vano nipuro nla nuulupale, elapo hiyo onkhalaahu-mo, yookhalana nipuro nuulupale. Ni siiso Edeni ela yuulupale yaahikhalaanu nipuro nuulupale, ni nipuro nla nuulupale naari omatta wEdeni, ahiiso wEdeni, onkhuma nsuwa wa omatta.

<sup>53</sup> Ni Muluku aahihela vasulu va yeela, wira yeettiheryekee soopattuxiwa Sawe sothene suulupale mulaponi mu, mwan'Awe ni mwaakameliwa a mwan'Awe, Atamu ni Hawa.

<sup>54</sup> Muluku aari Tithi a Atamu. "Atamu aari e...mwaana a Muluku," voolempwa. Owo aari mwaana a Muluku.

<sup>55</sup> Nto Muluku khumpakela namakhaliherya, okhuma mw'eruthuni mwawe yoowo; khino neparari nimosa vamurimani vawe, wira owo akhale vakhiviru ni yoowo, ni aampakenle namakhaliherya. Vekeekhai khaari mwaar'awe nlelo, nnakhala owo khaari mulopwana nlelo; Owo aaroolavula paahi. Nto ti vaavo mulattu vankhumaaya, Satana aaromphwanya Atamu ahinathhi. Tivo, yaari Masu Awe paahi Owo aalavunlyaae.

<sup>56</sup> Miyo kinihimya eyo, nkintthuna oviriha okathi munci-ene mwa yeeyo. Masi akina wa nyuwo pooti okhala ootikinihiwa vakhani, vanci-enexa atthu amosa-amosa wu-wu Okuusini, enkhala ntoko amphwanya ela yootikiniha vakhani, Mutthaka orinaaka okhuma wa Muluku olelo, w'atthu, ole mwaha wa epyo y'enowa. Ni kinoorowa orowa owaani, Apwiya yatthuna vale, nihiku nlo, oJeffersonville. Kintthuna mutthaka mmosa wa iwoora soophiyaka thanu na mosa, wira kilakiherye sothene iyo, moone, wira kiruuhe mwa enamuna emosa munrowaanyu osuwela etthu enihimy'ahu. Ni eyo ti SIISO ANIHIMYA T'APWIYA. Eyo ekekhaii ntoko saaryaaya okathi Eyo yaamoonalyaaya Munn'ihu Florence muthiyana ohinatthi orowa, iyaakha sinci-ene. Moone, Eyo Ekekhaii. Nto vano, hiyo... khino eyo ti yoohiiwiwa saana.

<sup>57</sup> Vaakhanle wira mutthu aamukirweela, etthu emosa yoovirikana, yoomi, vaamuweryaneya ohiiwa saana. Nkaarowa otthuna wuulumela etthu mutthu onihimyaaawe. Khaninrowa wuulumelana mmosa ni mukhw'awe. Miyo nkihiyo oottheka mwaha wo wira yeeyo; Miyo kinnaaxukhuru Apwiya. Miyo kinuulumelaka etampi ni ohaamini; masi kahi mutthu mmansawe, moone, miyo—miyo nkinimuulumela. Hiyo n'a—hiyo n'axinna alopwana n'athiyana, niniilipiha, hiyo ninoophiya vatthu Munna Florence ophiyalyaawe nsana voosiisu, moone. Owo... Hiyo—hiyo othene nihaana orwa ephiro yeeyo. Ni kahi ethunelo aka we—weererya omuulumela munna mulopwana wala muthiyana ohineemereryana ni nyuwo. Nnari, miyo nkaakhanle wiiraka eyo! Nkinikupali wira mwaamuwerya ophwanya efiita kitonko aka oromola nsina na mutthu. Yeeyo, koonaaka wira imaara sinci-ene mutthu aahivonya, masi eyo enkhala ya awo ni Muluku. Masi ele evonyeiye, mwa olavula ya etampi ni... Ni ihiiweloo saana imaara sikina hata khasihiyo etampi, ohiiwa saana wa atthu. Ni miyo—miyo kinoona wira khula mmosa a hiyo nihaana ehaakhi y'olavula ntoko moonelo ahu.

<sup>58</sup> Vano Mpattuxa ola muulupale aahimukhalicha mwan'Awe oopattuxiwa. Vano, Atamu aari Mwan'Awe oopattuxiwa oopacerya. Yesu aari Mwan'Awe *mmose-ene*, moone, Owo aayariwe mwa muthiyana. Masi Atamu aarwiise okhuma mmatatani mwa Muluku, moopattuxiwani.

<sup>59</sup> Vano nipuro nuulupale, ni Yawawe—mwan’Awe ni mwaakameliwa a mwan’Awe vasulu va sothene, yooneya vooloka voomalela. Aahikhala mu—mulopwana mmosa, muru wa sothene iyo, mwan’Awe Yoowo ni mwaakameliwa awe.

<sup>60</sup> Ni khula epyo yaari yooloka voomalela, miri sa makutthi, ni sa karvalyo, ni malaxi, ni axipalame, ni axinama. Ni sothene saari mwa enamuna yoolikana voomalela ni Yoorumya Muluku, “Muhirukunxe mukhalelo anyu. Khula epyo, ekumiheryeke ntoko muxovo aya! Karvalyo, muhilononeye munakhala mwiri wa paphaya.” Munnona? “Mwiri wa makutthi, muhilononeye munakhala ethu ekina. Masi khula epyo yiimeke muxovo aya!” Ni Owo aahi—Owo aahikhapelela okathi wothene.

<sup>61</sup> Ni Owo aahilavula Masu. Ni Owerya Wawe wuulupale wo opattuxa waahipaka itthu iya saakhumenle, nave hata mulopwana ni muthiyana. Ni awo yaari ti muru okhala wira awo yaari e...awo yaari aalupale a mixovo sothene mikina. Ni Owo aahaahela vathi va okhapelela wa ethu emosaru Owo aahenlyaaawe miri, axinama, ni sikina: Masu Awe. Awo khiyaarina nnakhala, hata vakhani, ohonona Masu awo. Awo yaahaana okhala Vaavo. “Muhihalakhale mukumihaka ethu mwa Yaawo, wala waacererya ethu Memmo! Muhaana okhala ni Masu ala.”

<sup>62</sup> Nto vaakhanle-ru wira soopattuxiwa iyo saamurowa okhala siiso, Munna Shakarian khaarowa orowa voosiis’ula, vaakhanle-ru wira saahikhala siiso, esukeryo yuulupale ya Muluku! T’ile hiyo enaamini-ahu wira nintthikela yeeyo. Hiyo nintthikela nipuro nenlo, nipuro nenlo.

<sup>63</sup> Voosiisu yoole waneethanu nenli, okathi Muluku aawehaly’awe sothene, nto Owo khwira, “Ti yooreera. Miyo—Miyo koosiveliwa ni yeeyo. Ayo, Miyo—Miyo—Miyo kootteeliwa murima mwaha wo opaka. Ni sothene vano siri sookhapeleliwa. Ni koomuroromela mwan’Aka ni mwaar’awe, wira—wira awo ano (kihaakkaliha muru wa sothene), wira ekhapeleleke sothene ni woona wira sothene siri saana, wira itthu sothene sikumiheryeke ntoko muxovo aya. Vano owo ookhalana owerya wo wira yeeyo.” Muluku nto khwira, “Ahe, vakhala wira sothene siri saana, ni khekhanle okhalaka enamuna ekina, okhala wira otthuna Waka Yoomi. Ti siiso Miyo kinthunaaka. Ni Miyo kilavunle siiso, ni Masu Aka aaruuhua oratta-ene ntoko Miyo saathunaaka. Nto eyo eri vo. Yothene ti yooreera!” Vano Bibilia ohimmye wira, “Muluku aahimumula nihiku na neethanu neeili, miteko Sawe sothene.”

<sup>64</sup> Ni itthu sothene sookhapeleliwa, wira sikumiherye ntoko muxovo aya. Vano muupuwele, “wira sikumiherye.” Okathi Owo ohenly’awe epyo vatthayani, epyo yaawerya paahi okhuma ni owerya w’ekumi muhina mwaya, wira erukunxe eyo

okhuma epyo okhala mwiri, wala etthu p'itthu yaaryaaya. Owerya Wawe wo orukunxa! Vano, Muluku aahihela epyo mmwe, ni voowerryaneya wira yaarowa okhala yeeyo Owo aahimmy'awe wira yaamukhala. Ni vakhalakaru wira yaakhala mwa muxovo aya woolikana, yaamukhala siiso ntoko Muluku saahimaly'awe wira yaamukhala. Yaahaana okhala siiso, okhala wira Owo aapanke siiso, ni aahikhaliha ephiro. Wira, etthu p'itthu enrowa okhala mwa ephiro Awe, muliinyani mw'Awe mwa Masu, ehanaa okumiherya voolekana ntoko Masu Awe ahimmyaaya wira yaamwiira. Khekhanle okhumaka-vo vale. Eyo evirihewe voolekana oratta-ene. Tivo, ni itthu sothene sooheliwa mmatatani mwa mwan'Awe Yoowo, wira saarowa okhala siiso, vano Muluku khwira, "Sothene ti sooreera, tivo Miyo kinoomumula. Ni khula emosa wa ipyo iye sihaana owerya mwa yeeyo, wira sirukunxiwe sikhale muxovo Miyo kintthunaaka wira sikhale. Ti yeeyo eri wira ekhale, okhala wira Miyo koovaha khula epyo owerya wo orukunxa, wira ekumiherye, mwa iweryelo saya vano wira eyo mmansaya ekumiherye voolekana ele Miyo entthunaaka wira ekhale."

<sup>65</sup> Muluku khonatoko orukunuwa. Vamosaru olelo ntoko Owo saaryaaawe okathi ule! Muluku oolakela wira etthu. Owo onimwiira. Khiivo enrowa omweemexa Owo. Owo onimwiira!

<sup>66</sup> Vano sothene saakhanlyaaya sooreera ni soolikana, Muluku aahisoona ooromela vano wira saamurowa okhala saana, vano nto, okathi Owo opanke-awe, vano khukela nwanani. Kinrowa o...Muluku aahivaha owerya wo orukunxa. Vano kinrowa omuhimya mutthu ula, orina owerya kahi wo—wo opattuxa-tho, masi ki...Owo aarina owerya wo onanariha, kahi orukunxa; masi onanariha. Vano, etthu p'itthu yoonanarihiwa enikumihiwa mwa mukhalelo aya woopacerya, yookhala etthu yiireye voohiloka ni yeeyo.

<sup>67</sup> Miyaakha iyo sivinre, keetteelaka, kiviraka mmatta mwa nakhuwo, kaanuupuwelaka, yaahikhala erintta yaanteiye n'ettheku mmwirini, nto khumorela mutathi mmosa wa nakhuwo. Nto mutathi waamwiilipha saawerryaaya wira ovenye wookowe ntoko saatthuneyaaya okhala, masi waahinanarihiwa okhala wira yaahikhala ethu yiiraneiye. Nto ekopo yaari vasulu vaya.

<sup>68</sup> Vano ninniphwanya malaxi anrapela mmatta. Yaawo, ancine a nyuwo alopwana va, ni khino amosa-amosa a nyuwo athiyana...mwakhala a oKentucky. Athiyana iwe annirumeela ehipa siiso ntoko mulopwana, anrowa omatta ni e—ni ehipa, hiyo niniihana ehipa ya exiko ya nrattha, n'uthikila ma—malaxi oorapela. Maana, mwaahikumihe-ru malaxi awo oorapela, mmukotini memmo nakhuwo onkhalaawe-mo, *sa*, vano malaxi anrapela yaamookowa, ni omphiyerya nakhuwo owo, ni omusipheela vakhani-vakhani, vookhweyaxa, voocencerya, waarowaaya okhala voorika osuwela wira yaamusipheela.

Nto vookiserya awo anookhala oolipa ni oolipa, ni ompurula nakhuwo owo mpakha okhala oonanara. Animwiipurulela, ovitikelela vamirini vaya; emunanarihaka okhuma saaryaaawe, khukhala ethu ekina. Onaamwi oryeene nakhuwo, masi nakhuwo oonanarihiwa.

<sup>69</sup> Ni hiyo othene nlelo nri oolattana ni Muluku. Masi akina t'onganarihiwa, aryeene aana a Muluku, aneetta voovirikana ni Masu Awe ni enamuna—Owo aarinaawe ni aavahenryaaawe wira hiyo neetteleke. Etthuniheryaka wira ethu, olumwenku onikumihe mphironi, onipurulelaka vakhiviru ni yoowo, ni onirakamelihha mukoti ule, woophunyeya, ni woowokowa Owo onaanlyaaawe-mo, wira nikhale aana alopwana ni athiyana a Muluku. Etampi yoowiiriha ethu ila yootakhala aana alopwana n'athiyana a Muluku.

<sup>70</sup> Namananariha! Koosuwela wira enkhala ntoko ethu yootikiniha olavula enamuna yeela, “o—onanariha,” masi ti yeeyo owo aaryaawe; owo oroonanariha, ahiiso oohonona. *Ohonona* enihimya “ovirikanyihiwa, okhalihawa ethu yoovirikana.” Ni *onanariha* ethu emosaru, eruuhiiwe khunanarihiwa, ni “khupakiwa enamuna ekina.” Enaamwii ekhanle-ene epyo yeeyo, masi yoonanarihiwa.

<sup>71</sup> Vano ninnoona wira namananariha ola orina nave eyaattelo emosaru y'okathi, wira onanarihe, ntoko Muluku saarinaawe wira orukunxe. Vano owo ohaala epyo awe, ahiiso, khonaaleke epyo awe, owo...omatta w'Edeni. Okhuma okathi yoowo, owo onnikhalaka iyaakha ikonto thanu na mosa sa onanariha Epyo ya Muluku, Masu a Muluku; onanarihaka Yaawo, okhalihawa Awo ethu yoovirikana; okathi owo...emaara yoopacerya Hawa aamwiwelenle-awe, ni khukuxa paahi nuulumo nimosa naamukhaani.

<sup>72</sup> Muupuwеле, voopacerya Satana aaroohimya Yoolempwa eyo voolikana ntoko saaweryaneyaaya okhala, “Muluku ohimmye wira ‘Muhilye miri sothene omatta w'Edeni?’” Munnona? “Muhilye miri sothene?”

<sup>73</sup> Nto muupuwèle vano, Hawa iirale, “Ayo, hiyo pooti olya miri sothene; masi mwiri ori eriyari y'ematta, khanikhanle olyaaka hata okwannyaka.” Vano nkanweheni, mmuthakani mwawee, ovirikanya Masu awo vakhani paahi. Ahimyaka...Hawa iirale, “Maana Muluku oohimya, wira, hiyo naira-ru yeela, nihiku nenlo hiyo ‘ninookhwa.’”

<sup>74</sup> Owo khwira, “Oh, vekeekhai khamunkhwa.” Moone, owo aari mulopwana—mulopwana, owo khwira, “Nyuuwo—nyuuwo—nyuuwo mwiire yeela vano. Ni, nyuuwo—nyuuwo mwa—nyuuwo mwa atthu oohisuwela etthu. Nyuuwo, vekeekhai, khamunsuwela ithu sothene. Masi nyuuwo mwairaru paahi mpanitte wa yeela, vano munookhalana akhili, mwaamukhalana osuwela. Mwaamusuwela yooreera ni yootakhala ni okhala

ntoko amuluku, nyuwo, nyuwo mwaira-ru mpantte paahi w'akhili yaala miyo kirinaaka. Miyo koosuwela, masi nyuwo khamunsuwela."

<sup>75</sup> Yeeyo, ekhanle saana okhalana akhili. Masi akhili awo yakhala oovirikana, akhili awo yaahikhale akhili oolikana ankhuma wa Muluku, akhili a eMuluku, ni yakhala akhili eerutthu, nkincala siyensiya mikavi orinaahu, ni etthu ekina tho, wala osoma, ti ya xetwani. Miyo kinoowooniheryani, Apwiya yatthuna vale, muhina mwa minuutu vakhani. Eyo ti ya xetwani.

<sup>76</sup> Osiliimu ti wa xetwani. Miyo kinoomalru olaleerya yeeyo. Elakayelo yothene elapo ya vathi, owerya wothene wa siyensiya, ni itthu sothene, ti sa xetwani. Eyo ti ehapari owo aalalenryaaawe, ya akhili, omatta wEdeni. Ni owo onkuxaka osuwela weijo, osuwela woopahuwa, voovirikana ni Masu ni otthuna ni eththokiheryo ya Muluku. Nto vano owo onnikhalanaka iyaakha ikonto thanu na mosa wira aire voolikana ele Muluku iiraly'awe, mwa enamuna emosa paahi yoohonona, ni okuxa eyaattelo emosaru ya okathi wira okelihe Edeni awe. Vano owo ookhalana Edeni mulaponi mu, ni ti yoosareya akhili, osuwela. Eyo yaari ehapari awe wopaceryani, osuwela, akhili, siyensiya. Muluku khonavaheryeke etthu iyo. Ni miyo—miyo kinthuna wira nwehe minuutu mmosa. Owo aahiira yeela, ni okhala wira owo aari mutthu a osuwela wa molumwenkuni.

<sup>77</sup> Vano, ti yoolipa ohimya ela. Ti—ti yoolipaxa, okhala wira waaleelaka atthu anoona enamuna emosaru ntoko miyo, ni enamuna enikhalaaka mwa iyaakha sinci-ene. Masi okhuma okathi otaphuliwaaya Ikanyeryo iye Thanu na piili, sa Malaikha ale wiithela wa mwaako iwe, *Ela* enkhalaka Eliivuru esya. Ti itthu saaipitihive, ti suupululiwe ntoko Muluku saahimmyaawe mwa Wiisuupulula 10, wira Owo aamwiira. Ni hiyo n'atthu ooreeriwa Muluku aathanlaly'awe, a elapo ya vathi, wira niwerye woona ni osuwela itthu iya; ehikhanle ethale, yoopakiwa ya muupuwelo wa mutthu. Awo Masu a Muluku owooniheriwa, oolipiheriwa, wira Eyo ekeekhaii. Oolipiheriwa, kahi ni siyensiya, masi ni Muluku, wira Eyo Ekeekhaii. Muluku, ntoko sihimmyaaka khalayi mmutthakani, Muluku khommuthuna hata mutthu wira ataphulele Masu Awe. Owo ti Mutaphuleli Awe Mmansawe. Owo oohimya wira enimwiiraneya, ni enimwiiraneya. Eyo p'iyo, Owo—Owo onnilipiherya, eyo ennitaphulela.

<sup>78</sup> Miyaakha vakhani sivinre okathi, hiyo atthu apentekosite, okathi i—ikereja sikina saanihimenryaaya wira hiyo naari “alolo,” wira “khinaakkhanle, Erooho Yoowaarya yaari etthu ya khalayi.” Masi hiyo ninnona wira natiri a Muluku aari wa ole onthuna, nto vano hiyo ninsuwela voovirikana. Moone, nto eyo eri vakhani-vakhani paahi, etthu ila yootthukuliwa.

<sup>79</sup> Nto vano Owo oolaiherya wira isiiri saaipithihifiwe muhina mwa seiyo, okathi wothene ole wa ekereja, saamupululiwa okathi ene wookiserya. Ni Owo onninitthuniherya osuwela vano. Hiyo niri okathi wookiserya. Hiyo niri va vano.

<sup>80</sup> Vano, Satana ti mwaneene osilimu. Owo ti mwaneene siyensiya. Owo mwaneene osoma.

Nyuwo muniira, “Eyo ekeekhaii?”

<sup>81</sup> Vaareera, nrowe nisome Masu a Muluku vano, Maphattuwelo 4, ni nrowe nitthikele ottuli noone minuutu mmosa paahi. Miyo koosuwela wira pooti...kapisaru vanci-ene, Munna Carl alakela onookileela. Masi, Maphattuwelo, kapiitulu 4, versiikulu 16, onikelela ohoolo ohimyaka va, wopaceryani, ethtu Muluku iiraly'awe, wira okhalihe otakhaliwa mwa mulopwana ni muthiyana, ni sothene saari wira awo yiire; vano kahi *waatakhaliha* awo, masi waaleela etthu yaarowa okhumelela, ni otakhaliha ethhaya mwaha wa Atamu. Ni hiyo ninnoona va vano, wira Hawa aarina maphapo aili. Nto mmosa aya aari a Satana, nave mmosa aya aari a Muluku.

Vano nyuwo muniira, “Ah-oh! Nnari. Vano, Munna Branham!”

<sup>82</sup> Minuutu mmosa paahi. Nyuwo mukiphwanyerye Yoolempwa emosa, nipuro pi nipuro, enihimya wira Kayini aari mwaana a Atamu. Miyo kinoowoonihani mwa Yoolempwa vatthu Eyo enihimyaaya wira, “Kayini aari a mutakhali,” kahi Atamu.

<sup>83</sup> Vano nwehe okathi orupanlyaaawe va. Nimpacerya kapiitulu 4, toko.

*Nto Atamu aahimusuwela...mwaar'awe; owo aahirupala, khumuyara Kayini, vano khuhimya wira, koomuyara...owo khuhimya vano, koomuyara mwaana vookhaliberiwa n'APWIYA.*

<sup>84</sup> Tthiri, yaahaana okhala. Hata wira aari namuttompe wala etthu p'itthu, aahaana okhuma wa Muluku, moone, okhala wira eyo epyo Awe, nlo ti nlamulo na epyo Awe, ehaana okumiherya hata ekhalaka epyo yoopahuwa, epyo yoohononiwa, wala enakhaleru exeeni. Ehaana okumiherya, khula enamuna. Ti yoorumta Awe.

*Vano owo aahimuyara-tho munn'awe Apeli.*

<sup>85</sup> Khaamusuwenle-tho. Atamu aahimusuwela mwaar'awe, nto owo khumuyara Kayini ni Apele nave, maphapo. Satana aari ni yoowo voosiis'ule, Atamu oxekuw'ole.

<sup>86</sup> Muhoona manyakunyaku maalupale muxornaaleni nno, kookupali, oTucson naanaano, ya muthiyan'ole omuyanre mwaana ooriipa ni mwaana mukunya, okathi mmosaru. Owo aarookhala n'aiy'awe voosiis'ule, ni mulopwan'ovo oxekuw'ole. Vano mulopwan'ovo aarowa omukhapelela...mulopwana mukunya khwira wira aarowa omukhapelela mwan'awe,

masi mulopwana nooriipe aahaana omukhapelela awawe. Munnona? Miyo kinnisuwela eyo, waatakaniha alapwa ni sikina, vekeekhai enimwiira, yaireyaru iwoora vakhani ohoolo waya. Ela ennilipiherya.

<sup>87</sup> Vano wira nooniherye vakhumme-aya osilimu, vano nrowe nisome Maphattuwelo va, kapitiulu 4 ya Maphattuwelo tho, noone vatthu vaya. Versiikulu 16.

*Kayini aahivenya-vo ohoolo wa Muluku, khukhala elapo ya Nodi, epantte onikhuma nsuwa ya wEdeni.*

*Nto Kayini aahimusuwela mwaar'awe; vano owo aahirupala, khumuyara Enokhi: ni owo aahiteka epooma, ni khwiitthana nsina n'epooma eyo, nsina na...mwan'awe, Enokhi.*

<sup>88</sup> Osilimu khupacerya. Totori Scofield, va mBibiliani mwaka Scofield, enihimya, "Osilimu woopacerya." Nwehe, numala owo aahaayara aana, vano awo yaahaapaka orkawu ni muusika. Vootharelana aahaayara aana, nto owo khupacerya wira itthu ikina, sootikiniha, oteka ipooma, ni-ni opaka ikaruma s'eporонse, ni inamuna sothene sa itthu. Moone, ti yeeyo owo iiraly'awe, aahikhala osilimu woopacerya, yoowo waari w'eKayini. Owo oniira ethhu emosaru moovirani m'okathi.

<sup>89</sup> Vano nrowe niphkiye vaavo ni versiikulu 25, nto niwehe ele yaari yootharelana.

*Vano Atamu aahimusuwela-tho mwaar'awe, vano, nto owo aahimuyara mwaana, khumwiihana nsina nawe Sethi: Okhala wira Muluku, owo aahihimya, ookivaha osuulu mukina vanipuroni va Apeli yoowo Kayini omwiivale awe.*

*Nto Sethi...Nto Sethi, aahimuyara mwaana mwaamulopwana; ni aahinvaha nsina na Enosi: nto okhuma vaavo atthu khupacerya ovekela nsina n'APWIYA (epantte ya Sethi, kahi epantte ya aKayini).*

<sup>90</sup> Moone, otthokelela iwo wuulupale hiyo othene ninvarelelaahu vanci-ene! Komunismu exeeni olelo, muluku aya exeeni? Iwo p'utthokelela, siyensiya. Exeeni eniiraahu, khula enamuna? Hiyo ninkhala vayi? Mutthokelele moolumo ala olelo.

<sup>91</sup> Vano owo ookhalana enamuna awe ya Edeni, Satana ookhalana olelo. Mwa iyaakha iya ikonto thanu na mosa, owo ookhalaha (kahi oopattuxa), masi, oonanariha elapo yothene ya Muluku, soopattuxiwa Sawe, axinama, sikumanaka, sootakanxeya; miri, miri, atthu; hata wa etiini, Bibilia, ekereja; mpakha omalihenryaaawe ematta ya wEdeni, ya siyensiya, sothene seettaka ni siyensiya. Ikaaro sahu, itthu sothene hiyo sirinaahu, nivahiwe ni siyensiya, ethhu mutthu opanke-awe. Ni owo ookhalana Edeni awe ya ulupale va; wira yooniherye

wira Mutthaka omphiya m'okathi, wira yooniherye wira kuhiyo okathi mukina masi Wiisupulula 10! Nkawehani otakanxiwa wa mixovo olelo, wira opakiwe wooreerela, wala, wooreeraxa, kahi wooreerela. Nkaaweheni axinamwane olelo.

<sup>92</sup> Kaahimuroiha mwan'aka muthiyana wa tothoro a maino, nsana, vano owo khwira wira maino awe yaanvirikana. Munna mmosa oTucson, Munna Norman, aahimuroiha mwan'awe mwamuthiyana, nto owo orina maino ookhuma. Vano tothoro a maino khuhimya wira vahilekenle, owo onnaamini, wira khino okathi onoorwa, atthu anrowa oyariwa, maino yinnuwaka erowaka khula epantte. Eyo yoolya enlyaahu, yoolya yootakanxiwa mixovo.

<sup>93</sup> Moomusoma *Reader's Digest*, mweeri wookiserya, mwaha wa Billy Graham, namalaleya ehapari oosuwanyeya? Munnikhalaka mmwiwaka yoowo? Miyo kininvekelela owo vano ovikana sitonko aka. Okathi owo aalavulenlyaawe mikala iye soorukunxiwa, ni sikina, ohiju uwo, aatathaka anamukuttho awo. Yookhala ethtu emukhumelenle. Nimosa wa mahiku awo, kinroromela wira owo onimoona voopuroni vawe vatthu varyaawe, nwehe, vano onimwiihana okhuma oSotoma, muttethe owo woohononiwa. Nto vano nwehe ela mu *Reader's Digest*, Billy aahitteettheya vanci-ene vahaawery'awe hata otthikela mithukumano sawe. Vano khuleeliwa wira aahaana otthimaka, wira nikuruta, ni siiso. Vano owo onnitthimaka emiilya emosa khula nihiku, kookupali ti siiso, wala ethtu, ntoko wiilimaleliha.

<sup>94</sup> Mutthu ohintta. Nloko nothene n'atthu ti noopahuwa. Sothene siri ntoko saary'aya okathi wa mutaseke. Siri soovirikanyiwa voomalela, soorukunuwa, voovirikana ni eliinya yoowookowa Muluku aanlyaaawe-mo. Etampi, mwaha wa siyensiya ni woototha, soovirikanya nloko nothene n'atthu.

<sup>95</sup> Nyuwo moosoma nave-tho vathi va artiiku ule, vaavo ohimmyaawe wira, "Mahiku ala, axiruusi n'aximiravo ankhala mmunnuweloni mwaya wa eriyari, voohimya mukhalelo w'erutthu, eriyari ya miyaakha miloko miili ni miloko miili ni mithanu"? Nkuupuwelani yeeyo.

<sup>96</sup> Mwa olamula sa mmurimani ohiju uwo, kaahimphwanya mwali a miyaakha miloko miili ni miili, ohiyale woona mweeri, khumwiihana. Nto ti yeeyo tothoro awe aamuhimenryaawe.

<sup>97</sup> Moone, ti noomora, noohononeya, nloko noopahuwa ninrowa omooroni. Koosuwela wira eyo kheniiweya voolakeya, masi ti ya mBibiliani, moone, wira eyo ekekhai; ni nloko nla ninkhalaahu, nloko nla n'atthu.

<sup>98</sup> Vano nwehe olelo, otakanxa mixovo sa imompe, otakanxa mixovo sa miri; vano siyensiya onimoorwa ni wiivirikanya, siyensiya mmosaru ompaka, oniira, "Ti yeeyo enihonona nloko nothene n'atthu." Nyuwo munisoma eyo ntoko miyo.

Ahe, awo ahinikhottiheryani? Okhala wira awo khanwerya okhottiherya. Masu a Muluku ahimmye wira yaarowa okhala siiso. Masi vaakhanle wira awo yaanuupuwela minuutu mmosa, awo ti ikaruma, ntoko Yuta Iskariyoti, ekhalihaka oratteene etthu Muluku aahimmyaawe wira yaamwiiraneya. Eniiriwa voolikana-ene ni mulipiheryo aya wa siyensiya.

<sup>99</sup> Ni othokosa wawe wa siyensiya, mwa eththarihelo emosaru owo aamootonthe-awe Hawa, owo nave-tho onnoototha ekereja, yeeyo Hawa aaryaawe ethoonyeryo. Vano, vano Atamu oryeene-tho ethoonyeryo vo, ahiiso Hawa, kiireke, a ekereja, nwehe etthu yiiraly'aya. Mwaha wo weettasa ethharaka osuwela, eyo yootupha mukaano wa yooreera ni yootakhala, mwaha wo wiiwelela ehononelo ya Satana, wala onanariha, Masu oopacerya a Muluku.

<sup>100</sup> Nto vano ikereja olelo sookhala soonanarihiwa. Vano miyo nkinaahimya atthu, atthu v'omeekha. Miyo kinihimya mwaha wa olumwenku wa ekereja. Emosa ehonyokoliwe mwa enamuna emosa, ni emosa ehonyokoliwe enamuna ekina, ni, ni siyensiya. Ettharihelo emosaru owo iiraly'awe. Owo ookumiherya woopopiha wawe, Satana ohiira, wa Yesaya 14:12.

<sup>101</sup> Nrowe nisome yeeyo minuutu mmosa paahi. Muliivurumi mwa Yesaya, nipacerye kapiitulu 14, versiikulu 12.

*Moota nyuwo mwamonryanyu okhuma wirimu, O Lucifer, mwaana a nivoroxa! mmoroxeliwe sayi vathi, nyuwo mwaahonona ilapo!*

Ola ti Yesaya omoonaka mwa yoowoona, moone, okathi onrwa.

*Maana nyuwo mwaanihimya mmurimani mwanyu wira, miyo kinoowela wirimu, kinnuwuhe ehice aka vasulu va ittheneeri sa Muluku: Kinookilaathi nave-tho vasulu va mwaako vanthukumanaaya, . . . ipantte onkela epheyo:*

<sup>102</sup> Eththunelo ya Satana, okhuma wEdeni, waari wiipakela Edeni awe yoowo; ni wiisinnuwiha osulu, wira ittheneeri sa Muluku simukohoreleke yoowo, aana emukohoreleke yoowo. Ni owo ookeleliha oholo mara vano, nto vairalyaawe yeela ookeleliha mukereja. Yeeyo, ehnrowaaka ohimya emosa-emosa. Khula mmosa a nyuwo muniwi ifiita iyo onnisuwela eyo. Owo—owo p'ukathi ene hiyo onkhalaahu, ni ti Satana oniira eyo ni ethhokiheryo awe y'osoma, yoophwanelela saana, yooreerela *ela*, yooreerela *ele*. Ni ehisuwelaka wira, okathi wothene, awo aneetta erowaka olukama mookhwaani. Oohoona, eweettihaka alipa-oohoona, amahoolela ookhalihowi oohoona a mulaponi, amahoolela oohoona a siyensiya, amahoolela oohoona a ekereja, alipa-oohoona aewettihaka oohoona. Yesu ohimmye wira, "Mwaahiye, oowaili aya anoomorela mulittini."

<sup>103</sup> Va nwehe ethoonyeryo ya Edeni piili soolattanihiwa, mpakha yaahalelaaya owoototha ale Oothanliwa. Matewu 24:24 ohimmye wira yaarowa okhala siiso. Masi kintthuna wira neemele okathi vakhani ni nitthokelele Edeni iya piili, n’ithu emosa vanci-enexa, moota Bibilia onnihimeeryaawe wira Masu a Muluku yaahikumiherya Edeni iyo, ni moota Masu a Muluku annilopolaaya wira Edeni ekina yaamurowa orwa.

<sup>104</sup> Vano, hiyo noosuwela nave wira ehaana okhala Edeni ekina, ni namwiiwaru profeta, Paulo, mwa aTesalonika Aneili kapiitulu 2. Kaamuwerya osoma Yeeyo mwaththuna vale.

Ole oniisinnuwiha mmansawe; *nihiku nlo khanimphiya*, na Apwiya, mpakha *mutthu ule a etampi wiisooniherya*, . . .

. . . ole onookilaathi mpaani mwa Muluku, *aisinnuuwihaka mmansawe vasulu va sothene siniihaniwa Muluku*, siiso owo ailikanyihaka ni Muluku onnikokhoreliwa ntoko Muluku.

<sup>105</sup> Nkuupuwelani yeeyo! Vano Yesaya 14, profeta ohimmye wira owo aahimoona “Lucifere, mmurimani mwawe,” ni yoowoona ni muupuxeryo wa Muluku, “ahimyaka wira aamwiira yeeyo.” Mwa Yesaya, iyaakha imiya thanu na ttharu oholo Paulo, ahiiso vookhuveela yeeyo.

<sup>106</sup> Vano va, iyaakha imiya thanu na tthaaru oholo waya, Paulo onnimoona, okhala voopuroni vawe. Nwehe, eyo emmaleliha, Edeni awe; Edeni awe ya siyensiya, ni olumwenku awe wa siyensiya, ni ekereja-mwaakameliwa ya siyensiya, sothene vathi va ma—masu a “osuwela,” iseminaariyu suulupale, ikharawu suulupale, iprokrama s’osoma.

<sup>107</sup> Nwiriyane, munna mulopwana, muthiyana, khula mmosa a hiyo onoorowa weetta ephiro ele Florence eentte awe. Miyo kinnoovekelani, mwa Nsina na Yesu, wira mutthokelele Yeela. Muhibicale miyo. Miyo ka munn’inyu. Eyo—eyo kahi yeeyo. Mutthokelele Masu miyo kinlavulaaka, a Bibilia a Muluku. Ni nwehe, yoolipikeriwa voolikana mwa Masu a Muluku Mwaneene, okathi hiyo onkhalaahu, vatthu varyaahu.

<sup>108</sup> Itthokiheryo iya vekeekhai ti nwanani a Kristu, mwa seyo. Vano, owo ohaana okhalana Edeni, owo aahimmye wira aamukhalana. Va ari Masu a Muluku owiyyeviha anihimya wira owo aamwiira, ni va hiyo ninniweha ota ni omoona owo wira yeeyo. Owo onniira eyo ni mwaakmeliwa awe, ootthokelela a siyensiya, a muromolelo. Owo onoorowa ohoolela, nimosa wa mahiku awo, mwa Mwaataano wa Ikereja sa Mulaponi onrowa okhalihwi. Othene anrowa okhala ni yoovo.

<sup>109</sup> Oweehereryaka atthu, kahi mwaha wo wira awo atthu ootakhala; awo yaaliwe mmukotini mwemmo moowookowa, ntoko nakhuwo, masi Satana khwaala malaxi oorapela, aniihaniwa siyensiya, othokosa, osoma, ikharawu sa etotori.

Imaara sikina khimunrowa otthuniheriwa nyuwo vapulpitu vahikhanle wira munimooniha ekharawu ya etotori ya oseminaariyu nipuro nlo. Sothene ti soovonyeya! Kahi atthu; ti ethkohiheryo ekhanle yoovonyeya. Ni vano yiirale exeeni? Yothene eri vathi va erumelo yeeyo-tho, ni yooruuha olumwenku woethene (mwa enamuna khata ya etakanxo ya mixovo, ohononiwa wa Epyo yoopacerya ya Muluku) khukhala evitikavitiya ekina y'epiphi.

<sup>110</sup> Masi kinnixukhuru vanci-ene wira Muluku onninikhapelela-tho, wira Owo nlelo onniwerya wiittikinya wira okumanane mukhalel'owo. Owo aahihimya wira aamwiira, ni wiihana nikoto naamukhaani naarowa okhala Mwaakameliwa Awe.

<sup>111</sup> Nwehe-tho va vano, moota siryaaya soolikana ithooonyeryo iya sa ikereja, ahiiso Edeni iya.

<sup>112</sup> Muluku, ni Epyo ya Masu Awe! Nto eri etthu emosa paahi enwerya okhaliha Masu makumi, nto eyo Erooho, okhala wira Eyo ti Nanvaha Ekumi Masu. Ni okathi Ekumi muhina mwa Masu emphwanyaaya Ekumi ya Erooho, Eyo enikumiherya ele ekhanle Epyo.

<sup>113</sup> Vano nwehe etthu yaakhumelenle. Omatta wa Edeni esukeryo ya Muluku yaari ya ohittheka, ni owo waari mmosa wa o—okathi. Okathi woopacerya waari woohittheka, atthu khiyaasuwela etampi. Awo khiyaasuwela hat'etthu ya etampi. Atamu ni Hawa oowaili khiyaawanranse etthu, masi awo yaahiipithiheriwa epwitipwiti aya, ni ekuwo ya erooho yaattiyela wiitho waya. Awo khanasuweleke wira khiyaawanranse etthu, nnakhala, okhala wira yaarimwiipithihiwa. Maana, ekuwo ya Muluku mmuupuwelomi mwaya, awo khayaasuwela etthu yaari yooreera ni yootakhala. Ni oowaili aya yeemelanse-ene vale oohiwar'etthu, yooniherya wira osuwela nlelo wiira ohaarweenle, moone, wira khiyaaranse etthu. Aili awo khiyaawaranse etthu nave khiyaasuwela.

<sup>114</sup> Vano mwakhunla, mwathhuna vale, wala olepa, mwa Wiisuupulula, kapiitulu 3. Erooho Yoowaarya ehimyaka okathi ula wookiserya, wa Okathi wa Pentekosite wa Ekereja ya Lawotiseya mahiku ookiserya, Eyo ehimmye wira, "Nyuwo mwa oohiwara etthu, ni oochoona, nave khamunsuwela."

<sup>115</sup> Yookhala Epyo ya Muluku, vathi va exariya, ehisuwelaka mara wira yaari yoohiwara etthu, vathi v'ekuwo ya Erooho Yoowaarya, enaakhuneela ohoona etampi iyo.

<sup>116</sup> Nto vano okathi wookiserya wa ekereja, hiyo ninniphwanya va wira awo khawanre-tho etthu, ni khansuwela. Masi kehiyo ekuwo ya Erooho Yoowaarya. Eyo ekuwo Satana aampwehenryaaawe Hawa ottuli wu, ekuwo ya ithaama, ekuwo ya ithaama. Awo t'onanaraxa mpakha vahinsuwelaaya

wira khawanre ethu, athiyana ahu mphironi, yaawanre-ene akaputtula, ivistiiu s'ekhapa.

<sup>117</sup> Mutthu mmosa aahikiveleeliha ekapatti ya exornaale nihiku nlo, ya evistiiu ila esya awo anrowaaya owara, kinoona wira, isentiimeturu miloko miraru ni nuusu okhuma mukhootwani, wala ethu siiso. Ni miyo kinniikoha vakhala wira awihu—vakhala wira athiyana ahu annisuwela wira ele ekuwo ya ithama?

<sup>118</sup> Vano nyuwo—nyuwo mwaamwiira, “Miyo kinoowerya wooniherya, oholoo wa Muluku, wira miyo ka oohittheka wo waaraaruwela aiy’aka, wala miyo—miyo... sothene iya.”

<sup>119</sup> Masi nlelo, Woolamuliwani, munrowa wiihaniwa “namararuwa.” Bibilia ohimmye siiso. Yesu ohimmye wira, “Ole oninweha muthiyana anwerekaka murima, oomala oraruwana vamurimani vawe.”

<sup>120</sup> “Oohoona, oohiwar’ethu, nave khamunsuwela!” Kahi axithiyan’ale owooniha othunku ota iwe; khiivo hat’ethu miyo erinaaka nthowa n’awo. Otakhala weiwo! Nto eyettihelo ya ekereja enikhala ntoko ovonya osuwela yeeyo wala weemela ni ovirikanya yeeyo; annaatthuniherya omettha maihi aya, wiisoottiha itthu wiitho, ni akaputtula ni itthu, vathi va nsina na oKristu. Ethtu xeeni yoonanara! Moone, awo khawanre-tho ethu, wEdeni ya Satana, ni khansuwela. Awo khansuwela.

<sup>121</sup> Kookupali wira kinoona, khino, kiwehaka epantte ekina nno, vantthiyani n’orapa, athiyana awo iwe naanaano va. Vaakhanle wira muthiyan’ole aanisuwela paahi ethu eniiraawe, masi khonsuwela. Owo khowanre ethu. Erutthu awe ti yooreerihowi. Owo onoorula ikuwo Muluku onwarinhe-awe, ni esapala, wa nloko nla. Owo voohihiyererya onoothikilasa. Owo ori epwitipwiti vathi va nuulomo na “osilimu, osoma wa osulu, osilimu wooreeraxa, ilakeyelo sa osulu.” Mukihiyi kikupali wira eyo ennikela saana. Yothene eyo ti ya xetwani, ni enoohononiwa Orwa w’Apwiya Yesu. Enoohononiwa, mpakha ele yooyevaxa. Khenrowa okhala ethu enihala.

<sup>122</sup> Ni, oh, mpatthani, mulaponi mothene, okathi munikiwiawayu miyo oPhoenix nno, muupuwele itthu iyo! Nyuwo muri va oowiwelela seijo. Vano, Yesu ohimmye wira, “Awo yaamuwoottha ale Oothanliwa vaakhanle wira vaaniweryaneya.”

<sup>123</sup> Erooho yoopacerya yaari e...ekuwo yoopacerya yaari ekuwo yooreerihowi, Erooho Yoowaarya, ni khivaatthuneyea wira owo owehe ota wa Yeeyo. Masi okathi—okathi Satana opacenryaawe olavula ni yoowo mwaha wa osuwela, owo aahaana waacererya eweheryo yaamukhaani molumwenkuni.

<sup>124</sup> Nto eyo vekeekhai t’ile mwan’awe, ekereja, yiiralyaaya. Nyuwo muhaana wooma, nyuwo muhaana owara ntoko muratti a ifilime, wala amiravo ahaana wira ntoko Elvis Presley wala—

wala Pat Boone, wala—wala atthu kamosa-kamosa ale, vathi va nsina n'etiini.

<sup>125</sup> Pat Boone t'a Ekereja ya Kristu. Elvis Presley muPentekosite. Atthu aili a xetwani akumihenrye olumwenku mw'evitikavitika yootepaxa onvikana Yuta Iskariyoti siiraly'awe amulupatthaka Yesu Kristu. Awo khansuwela. Amiravo ale khansuwela eyo. Nkirina hat'etthu ya nthowa n'awo—amiravo awo, axilopwana, ti erooho enikumiherya eyo.

<sup>126</sup> Mweette nivalo nimosa paahi wa yeeyo, muhiye nlaxi nlo noorapela nivare vakhani nikukhu na nakhuwo owo, emaara emosa, nwehe ethu eniiraneya; nakhuwo owo oomalamala. Oh, ayo, nniira noomuvara. Nto ti siiso enrowaaaya wira. Nlo nnimwiira khula okathi. Hawa aahaana okuxa eweheryo yaamukhaani molumwenkuni.

<sup>127</sup> Ni mukihiye koohimeeryeni ethtu, munna mulopwana ni muthiyana. Mwa Yohani Oopacerya, kapiitulu 2 versiikulu 15, ninoowerya osoma Yeeyo mwatthuna vale, Bibilia onihimya wira:

...hiyo *naaphentaka olumwenku*, wala itthu sa molumwenkuni, okhala wira *ophenta wa* Muluku *khokhanle* hata *mwa* hiyo.

<sup>128</sup> Vano, nuulumo vo khanihiy*o elapo*; nlo nuulumo n'Ekerek*u*, ti *kosmos*, nenlo nnihimya "mweettel*o* wa molumwenkuni." Hiyo naaphentaka mihapo sa mulaponi, olumwenku, naaphentaka ettharelo ya nihiku, nuupuwelaka wira "ola okathi wooreerexa, oh, hiyo nookhalana itthu iya sothene," muupuwelakaru yeeyo, okhala wira muupuwelo anyu ti woovonyeya. Ti woohononiwa ni xetwani. "Okhala wira mwaaphentaka mweettel*o* wa molumwenkuni, ni itthu sa olumwenk'ula wa vano, okhala wira ophenta wa Muluku hata khokhanle mwa nyuwo." Muupuwele yeeyo. O Muluku! Nkawehani ethtu eniwehaahu-mo!

<sup>129</sup> Va kintthuna keemele minuutu mmosa paahi kooleeleni wahala mwaamukhaani. Kaahimiiwa nakapela a Ekhotto Yoopacerya ya Mulaponi mothene. Awo yaaroorihela . . .

<sup>130</sup> Ntoko Satana wopaceryani, okathi owo okenlyaawe omatta wEdeni. Owo khaawerya othipula Ipyo iye. Owo khaawerya ohonona. Masi owoaatathenle eveneno, nto khunanariha Epyo, eyo kхиyaakumihenrye muxovo aya. Eyo yaaronanariha Epyo yoopacerya.

<sup>131</sup> Ni ti siiso ni iprokrama iya sothene sa etiini. Awo nlelo aana alopwana n'athiyana a Muluku, masi awo ankhala oonanarihiwa. Awo annirowa okereja, ethunaka wira yooreera. Fereera khonkela omosteero wira okhale muthiyana ootakhala. Murumeyi khonrowa oxikola paahi wira okhale mu—mu—mulopwana ootakhala. Nyuwo khamuniitakan*ha* mukereja, ni ovahana matata, ohela nsina nanyu muliivuruni, wala etthu p'itthu eniiraanyu mukereja mwanyu, wira mukhale mutthu

ootakhala. Muniira eyo wira mukhale mutthu ooreera murima. Masi othepiwa, ti enanarihelo enira eyo. Satana orootathela. Munnona? Muluku khonakhalaneke mutthenkeso. Khekhanle etthu iyo hata nipuro eniphwanyaneya mwa Masu a Muluku.

<sup>132</sup> Muluku ti mutthenkeso ahu, hiyo nitthokihewe mwa Yoowo, Erutthu, mwa Muluku, Wirimu. Ti yeeyo. Masin'ahu ari muLiivuruni mw'Ekumi ya Mwaapwittipwithi. Nwehe.

<sup>133</sup> Masi, moone, miyo koosuwela wira ti yoolipa saana, masi miyo—miyo kintthuna wira nyuwo nvilele vakhaani-tho xontte. Okathi wa ekhotto ya mulaponi... Kileveleliwe mwaha wo ohiya mwah'aka.

<sup>134</sup> Masi wira kiphiyerye nipuro nla, miyo—miyo kaatthuna koovaheni etokoseryo aka ya etthu Satana iiraly'awe wEdeni: owoaatathenle eveneno yoowoopiha. Mwaanitthuna osuwela eveneno xeeni yaari iyo? Kinoowerya wooleelani. Kookhalana epakeliwo aya, moolomo maili: ohaamini, okhanle woovirikana ni waamini, owoaatathenle ohaamini, ohoverya. Nto siyensiya khukhala opuro aya. Vaavo vari ephawo, yaavolonwe mw'Epyoni, Satana aasarinhe ephawo yeeyo ni osuwela ni siyensiya ni osilimu, nto eyo yoonanariha yothene, opattuxa wothene wa Muluku.

<sup>135</sup> Koosuwela wira munuupuwela wira kinooroihani varinttani, masi kiri varinttani ni nyuwo. Ni hiyo othene nri va wira niphavele ophwanya ele ekhanlyahu wiiraka. Hiyo khaninihimya itthu iyo wira nikhale oovirikana. Nihaana okhala naxariya.

<sup>136</sup> Hiyo, khula mmosa, ninoophiya wookiseryani w'ephiro, vaavo onrowaahu waakhula mwaha wa khula nuulumo. Naanaano va, hiyo noosuwela wira masu ahu... Okathi oniyariwaahu, wunla wahu woopacerya wothene onkela mufiitani. Enoorowa orumihiwa-tho Nihiku na Olamuliwa. Hata ikuwo munwaraanyu sinimooniheriwa wiitho wanyu, Nihiku na Olamuliwa. Hata siyensiya oophwanya yeeyo, ni televisawu. Moone, televisawu khempaka elatarato, eyo enooviriha paahi. Nikhuli na ikuwo, khula okathi muneett'anyu, khula muupuwelo ori mmuruni mwanyu, vekeekhai onkhala woopwehiwa mw'arkiivuni mwa Muluku. Nto etthu ile yuulupale enrowa oheliwa oholoo wanyu, khula emosa wa ivistiitu iye soohifayi nyuwo mwaawarak'anyu; khula okathi mwaarowaanyu ommethhiwa maihi, ometha maihi awo Muluku oovanhe-aweni. Enoorowa wiiraneya. Nyuwo munimwaakhula mwaha wa yeeyo. Iwe khimunrowa hata owerya wiittikinya, hata soowuupuwela sa mmurimani mwanyu okathi muniiraanyu, sinoorowa wooniheriwa oholoo wanyu. Munrowa otthyawa sayi? "Ninrowa otthyawa sayi naanyoonyeriwaka woopowa iwo wuulupale?" Munnona? Khaninrowa otthyawa. Khula mweettelo, ni miyuupuwelo sa

mmurimani, sinookaravariwa nipuro nikina, hata nthepa na ikuwo munwaraanyu. Televisawu, etelevisawu ennooniherya eyo oratteeene, ennivara ni wooniherya, moone, ni eyo eri nipuro nikina okhuma mwa tthaaru hiyo onkhalaahu-mo. Munnona?

<sup>137</sup> Vano moota eveneno emmanaaya ekereja, omana elapo! Eveneno ya Satana vasulu va Ipyo, yoohela iphawo mwemmo ni yooruuuhela onanariha. Kweekwe ni kweekwe, owo onookelaxa vathi muhina mmurimani mwa ikereja, ni mmurimani mw'atthu ni itthu sothene, siyensiya, siyensiya. Mpakha ophiyererya nipuro nloko n'atthu, akhanlyaaaya ootakanxiwa mixovo... Miyo kookupali wira khula epyo yaahaana wiima muxovo aya. Ni nloko n'atthu, ni mwiri, ni sothene sitakanxiwaka mixovo, sooniphiyeriha nipuro; wira nilyaaka yolya ahu ya vathi, yeeyo, enkhaliha irutthu sahu, sootakanxiwa mixovo, ehiyaka miyuupuwelo sahu voomalela... Vano, vakhala wira irutthu sahu sinoomora, okhuma iyaakha miloko miili ni miloko miili ni thanu, mwaha wa irukuruku soopahuwa, mwaha wa soolya sootakanxiwa, irukuruku sahu sa ottoopore khasimpahuwa? Khasihiyo irukuruku iyo, nave? Mwaha wa yeeyo Ricky oneettaawe mukaaroni sa ikuru saana mphironi nno, wooviha; okathi Ricketta, maElvitta, ni anci-ene aya, ohimyaka nsina, iwo epwitipwiti nuusu ohoole w'atthu, oovahuwa muupuwelo, woohikhala wuupuwela wiisumaaliha nnakhala olakeya.

<sup>138</sup> Wa ehantisi aka yaamukhaani. Nakapela ola khuhimya wira aahirowa oxipiritaali, ni khuhimya wira yaahikhala amiravo anci-ene yaammaathale muheemani, akina... Owo aammalaru ovolowa. Owo khuhimya wira aahirowa vale, vano mukhulupale mmosa khumuhimeerya, khwira, "Nakapela, nintthuna nirowe iwe, nawehe mapuwa iwe." Awo yaarooriha ekaaxi ila ya evayi ni ya kolooru, ntoko siirakaaya mahiku ale.

<sup>139</sup> Nto khwira, "Miyo kikhuma vale, Munna Branham," khwira, "khinaakkhanle nipapatthu vamvirini, khuwaakkhanle muhama wa malaxi. Waari voosiisu wa Paasikha." Owo khwira, "Saahikhala itanki kamosa-kamosa soohononiwa vale, mukhulupale aahaana olepa, ni woona nkhamma kхиyaakkhanle etthu yaaweryaneyi wiiriwa mwaha wa seiyo, waari vakhiviru wa Etakhwa Argonne." Khwira, "Okathi weemenlyaka vaavale meekhaaka," khwira, "Kaahiweha osulu, khwira, 'O Muluku, ela t'inamuna siniphiyaaya sothene.'" Ti yeeyo, sothene soomala. Sothene saaroopaheya, hata ekumi nnakhala nipuro nimosa, malaxi yaahivya; mwiri, ni ikaaxi iye, saahiiva miri, itthu sothene sahiiviwa, soohonyokoliwa, silenleyaka, vaavo ipholovolo saathoronlyaaya-vo.

<sup>140</sup> Eyo yaahikhale elatarato ya olumwenku olelo, vaavo Satana ontathelaawe-vo ohaamini wawe, otakanxa wawe muxovo, siyensiya awe, osuwela wawe! Mpakha, ele yaari wopaceryani, okathi Muluku aamuhenlyaaawe Atamu ni Hawa mmatta, eparatiiso ele yooreera yoohikhalaana okhwa,

yoohikhalana eretta, yoohikhalana oxanka, ni sothene oratteene voolikana, nkawehani etthu DDT ya Satana yiiralyaaya! Eyo eri mw'evitikaviti. Khiivo hat'etthu ehanle mwa yeeyo.

<sup>141</sup> Owo khwira, "Miyo kipacerya wunla. Kaaheetta kitthikaka, waahikikuxa murima mwala." Khwira, "Kirowa mpakha vaavale kiweha mwala, kipirikixa. Vathi va mwala naahikhala nluwa naamukhaani naannuwa, etthu emosa paahi ekumi yaahanle, okhala wira yaakhapeleliwe ni mwala."

<sup>142</sup> Muluku, Mwala aka, munikhapelele olelo, O Muluku, okathi iveneno iya sinvavaaya mapuro othene mwa nsina na siyensiya ni osoma. Munikhapelele. Mukisuke mpakha nihiku nenlo, O Muluku, ti mavekelo aka. Vano kinroromela wira hiyo, khula mmosa, ori vathi va Mwala yoowo, Kristu.

<sup>143</sup> Kinoomalaru olaleerya nihiku nle, anci-ene a nyuwo muhiiwa eyo. Miyo kaarowa keettaka mutakhwani, kixayaka, nto miyo kaahikuxiwa murima wira kirukunuwe. Vano kiweha, waaphwanyaneya murupa mwaamukhaani wa sikaro wala maasu, wala siiso munihanaanyu. Nto eyo ekupaniya, nkinoona wira kaahaana oromola nsina naya, masi ekupaniya ya soona yaarina... awo aakhalana yoohimya, "Efilituru ya mutthu onuupuwela, esiveleliwo ya nutthu oninvura sikaro."

<sup>144</sup> Kitthikela-tho keettaka va—vakhani mutakhwani, nto Etthu emosa khukikuxa murima, "Rowani mwakuxe murupa ole wa sikaro."

<sup>145</sup> Miyo khuupuwela, "Tithi a Wirimu, kinrowa vathi nno vamvirini vale vaavo ikhopa iye saalavuliwe-aya ni Nyuwo khukhala, voosiisu umosa. Xeeni Nyuwo okihihanelaka otthika?"

<sup>146</sup> Nto Etthu emosa khwira, "Mookhalana mutthaka wa Ttiminku. Yoosoma anyu elempwe vaavo."

Miyo kuupuwela, "Vamurupani va sikaro?" Miyo khutthika.

<sup>147</sup> Nto kipacerya wuupuwela, "Efilituru ya mutthu onuupuwela," ewokelo xeeni ile! Mutthu aakhanle mutthu onuupuwela, owo khaarowa onvura sikaro nnakhala. Masi, moone, atthu anoomiryia eyo.

<sup>148</sup> Kookupali wira saari iyaakha piili sivinre, okathi waaryaaka mmosa wa mithukumano, kaaronwe aka ofeera ya mulaponi mothene waari Olimani Onkela nsuwa. Ni awo yaarina elatarato ya Yul Brynner ni anci-ene aya weiwe. Ni anasiensiya, anci-ene aya, yaari esaala emosaru, ehimyaka woopiha wo onvura sikaro. Moota awo yiiseenle-aya mwiixi ule vanipattuuxani na maarimore, ni khukuxa ekopo ya nxotte yaamukhaani ni khukumiha nikotiina vaavo khuheliwa ottuli wa nikhule, nto khuhela mukayelani, mahiku mathanu na maili nlo naahisareya kankuru nahaaweryaaya hata weetta. Munnona? Owo khwira... Khuheliwa mmaasini, nto khwira, "Efilituru!"

<sup>149</sup> Khwira, “Efilituru? Khekhanle etthu ene eyo.” Khwira, “Nyuuwo . . .” Vano, ola siyensiyya mmansaya. Awo khwira, “Khimukhanle onvuraka sikaro muhikhalanne piriniixi. Piriniixi t’onkumiha mwiixi.”

<sup>150</sup> Nto etthu ene emosa ti wii, eyo ethepyelo wira etumihiweke asikaro oowaatta, okathi eyo . . . Vaari wira . . . Kinwehererya wira khimunuupuwela wira ka namaveeha wala namathipelela. Xetwani uwo mwa mutthu, onimwiiriha onvura sikaro, wira aisiive. Okathi owo—owo onthunaaawe nikotiina ya sikaro mmosa, enrowa omaliherya yootthuna awe, vano ekupaniya enoorwa ni ethepyelo ela yoowoka, ni wira, “Efilituru ya mutthu onuupuwela.” Owo aahaanaa waavura asikaro axexe wala athanu, wira amukhalihaxe piriniixi mwa nyuwo (wira envoonihe) ntoko muhinatthi ni mmosa. Atthu a wAmerika yaatumiheryaka okhwa axinn’aya n’axirokor’aya! Kinikhala oohisuwela.

<sup>151</sup> Masi, kiryeene vaavale, kaahuupuwela, “Yookhala Efilituru ya mutthu onuupuwela ekhanle yoolikana.”

<sup>152</sup> Vano, mutthu aavnura sikaro, muupuwele, eyo ennimuruuhela mutthu esiveleliwo ya mutthu oninvura sikaro. Vano, mwaahiweryeke okhalana e . . . omaliha otthuna iwo wa mwiixi mpakha okhala mwiixi vo, ni waakhela . . . ehaana okhala-vo esivelo eyo, tivo, nyuwo mwaavura asikaro axexe, wala athanu, ni munooliva vanci-ene yeeyo ovikana mwaarrowaanyu oliva mwaanvunre sikaro mmosa paahi voolimaleleya. Moone, eyo ethepyelo, ethepyelo yo otumiha; waawoka atthu, a wAmerika. Kuupuwelaka o Valley Forge, George Washington; ni ipantte piili ya tthaaru ya masurtaatu awe, ehirina ixapattho munawoni, nihiku nle nooriirya, wira akhalihe ekhalanelo ahu musurukhu siryaahu! Vano nto atthu a wAmerika anaatumiherya atthu a wAmerika, munn’awe ni murokor’awe, okhwa, ni ewokelo yoowootha, mwaha wa ephwanyeryo yoonanara, ephattuwelo ya khula yootakhala. Otthunaxa musurukhu, ophenta. Etthu yothene yookhala ovahuwa, ahisuwelaka wira etthu ila yothene enoopweteya! Masi mwaahikhala mwiixi, khamukhanle okhalanaka esiveleliwo.

<sup>153</sup> Nto kaahuupuwela, “Yookhala Efilituru ya mutthu onuupuwela.” Efilituru ya mutthu onuupuwela! Nto kaakuxale yoosoma aka vaavo “Efilituru ya mutthu onuupuwela eniruuhela esiveleliwo ya mutthu oowaarya.”

<sup>154</sup> Vano miyo kaahuupuwela wira miromolelo sahu sinniiraka vanci-ene siiso, aniwaakhela atthu anisiihana a Kristu enaamwii ni mweettelo wa khula enamuna. Mwaha wa xeeni? Awo ankhalanaxa muromolelo aya wala mitthenkeso. Annikhala anci-ene mmo okhala wira ninnaahiya okela vathi va *ela, ele*, ni *ekina*, ni ethu p’ithu. “Eyo khenvirikana hata vakhani, vakhalaru wira annihela nsina naya muliivuruni paahi ni wira

awo aKristu. Ti yeeyo tu. Oh, ‘mwaha wo waamini munnoopowa.’ Muhaana waamini.” Xetwani oniira etthu emosaru. Ayo.

<sup>155</sup> Muhaana oyariwa vasya, ni eyo enrwa eviraka muFilituruni ya Muluku! Vano yookhala Efilituru ya mutthu onuupuwela. Miyo kivarenle Eyo mmatatani mwaka. Eyo khenrowa okumiherya esiveleliwo ya muromolelo, masi Eyo vekeekhai enrowa ovoniha esiveleliwo ya mutthu oowaarya, moosuwela.

<sup>156</sup> Vaarowa oweryaneya sayi muthiyana omentthe maihi ophiyererya oviraka muFilituruni yeela? Vaarowa oweryaneya sayi muthiyana onwanre kaputtula ophiyererya ovira mwa Yeeyo, wala ikalsa, Bibilia ohimyaka wira, “Ti yoomunanara Muluku, muthiyana owara ekuwo ekhanle ya mulopwana”? Ni vanweryaneya sayi mulopwana onsuka oxariya awe, okhumela nno ni wiiwariha ntoko athiyana, ohiya maihi awe yinnuwaka ntoko muthiyana, amphiya mmaithoni mwawe, ni mayaya, ni oovilikeya *siiso*? Owo onwara ikuwo s’amwaar’awe sa muhina. Awo anwara ikuwo sawe sa vate. Efilituru ya mutthu onuupuwela? Mulopwana onuupuwela khonrowa wira eyo, wala muthiyana onuupuwela khonrowa wira eyo. Masu a Muluku khanrowa ohiya eyo ovira.

<sup>157</sup> Khiivo etthu emosa paahi yaarowa owerya ovira mwa Masu awo. Eyo Erooho Yoowaarya, ni Eyo eniruuha Masu mwa nyuwo, ni Eyo enikumiherya esiveleliwo ya mutthu oowaarya.

<sup>158</sup> Nkanweheni olelo, Ricketta mphironi, ekhalelo, yoophenteya yooreera Muluku onvanhaawe, vano Satana khunarumeela yeeyo. Nto owo onimwiwariha voohilakeya, ohisuwelaka wira esumana emosa okhuma olelo owo pooti okhala ontakka mmahiyе.

<sup>159</sup> Kirwaaka mphironi nno woohikhala khalayi. Miyo kaamulaleya vamuthukumanoni mmosa Asempeleya a Muluku Olimani Onikela nsuwa, vamuthukumanoni Exikola ya Bibilia Southwestern. Mwaamuthiyana mmosa eettaka mphironi, mukhaani...owanre-ene ikuwo iye sikhaani, apikini, khula etthu muniithhanaanyu, mayaya elenleyaka, ni exapheyo ya nanyompe ni ipoota. Miyo kaarowa ephiro yeeyo. Miyo kuupuwela, “Namuhaawi mwaamukhaani, mwaana a maama ni apaapa, oheliwe mu wira okhale mwaana a Muluku, vano khukhala ecampo ya xetwani.” Miyo khuupuwela, “Kookupali wira kinoorukunuwa kitthike, kimuleele mwaan’ole.” Owo aakhala ntoko a munnuwelo wa Sarah aka vale, miyaakha muloko ni mithanu na miili, muloko ni mithanu na mosa, wala etthu *siiso*. Miyo khuupuwela, “Nnari, vanreerela kihire. Kinoorowa nno paahi mphironi kanvekelele. Akhala mutthu onikoona weemela n’ulavula ni yoowo, vanreerela kihire.”

<sup>160</sup> Vano, nto nwiriyane, aana a Muluku, nyuwo mwaaphwanyaneya nipuro nenlo, maYesapeli ala a vano anoorwa wa nyuwo, masi mutthu onuupuwela onimuupuwela

toko. Owo pooti okhala ooreera, pooti okhala wira “Vaamuweryaneya miyo okisivela,” masi onootthuneya munepa anyu, mmiravo; akina wa nyuwo axiruusi, wa maRicky ala! Efilituru ya mutthu onuupuwela enikumiherya esiveleliwo ya mutthu oowaarya.

<sup>161</sup> Nyuwo alopwana muthenle, mwaawoonaka athiyana awo mphironi siiso, nyuwo aana a Muluku, khamunsuwela ethu yaakhumelenle wopaceryani? Okathi siyensiya aakhalinhe-awe athiyana oreeraxa olumwenku wa mutaseke, mpakha aana a Muluku yaakuxaly’aya aana axithiyana aatttu (kahiaana axithiyana a Muluku), ni Muluku khonaliyaleke eyo. Awo yaahihonona ethu yothene; siyensiya, ootepa oreera. Yaanikhala...Mwaawehaka oreera w’athiyana otepaka mahiku ookiserya, eyo ethoonyeryo ya woomalelani; Muluku ohooniherya. Tivo, murumeel Efilituru ya mutthu onuupuwela, munookhalana esiveleliwoo ya mutthu oowaarya. Eyo enookuxa ethhoko anyu. Enookuxa opuro anyu. Enookuxa sothene sirinaanyu; ohiya vo, munepa anyu! Enoopwexa ethhoko anyu. Pooti okhala mulopwana mukina onrowa waalela an’inyu, wala muthiyana mukina waalela an’inyu.

<sup>162</sup> Mukuxe Efilituru ya mutthu onuupuwela, enookumiherya esiveleliwo ya muthiyana oowaarya. Mwaarowaka ommeththiwa maihi, wala ethu ekina, ni oleeliwa wira, “Onoorowa woowereyani muru, moosuwela.” Mukuxe Efilituru ya muthiyana onuupuwela, yeeyo Bibilia ohimmy’awe, moone, vano muhiye. Munnona? Muhiire.

<sup>163</sup> Miyo ka munn’inyu, ni kinnoophentani. Nkirina hat’ethu ya nthowa ni nyuwo. Muluku onnisuwela. Nto ti yeeyo enikihimiha itthu sinihimyaaka, mwaha wa-wa mphento wa Muluku wa nyuwo. Vaakhanle wira mulopwana aamukhuma vale nto awo khuhinoolelani, pastore anyu woohiyani okhala vale ni wira siiso, owo khonoophentani. Owo khokhanle woophentakani. Miyo nkaarowa otthuna enamuna yeeyo yo waaphenta athiyana. Kintthuna kikhane esiveleliwo yooreerihiwa wa munn’aka muthiyana. Kintthuna wira owo vekekhai akhale munn’aka muthiyana. Kahi mutthu okhanle wiiraka, mutthu omuhimyaka oreera saana ni mootha siryaawe, ni mapwiywene ale a ekhana, “Owo onrowa wa yawaka...” Huh-uh. Nnari. Kimmuthuna owo akhale muhano!

<sup>164</sup> O Pwiya, mukisuke vathi va Mwala. Ayo. Mwa aEfeso 5:26, enamuna emosa paahi mukhanlyaanu ophiyaka Vamwala vo, onkhala, “Oorapihiwa ni maasi oovalaaniha ni Masu.” Eyo ekekhaii.

<sup>165</sup> Vano, muhimuhiye xetwani ula wootathelani osoma wawe. Nnari, nnari. Eyo enimwiiva ekupaliheryo anyu. Muhimuhiye xetwani okuxa eyo, “Ahe, kiniira mpantte wa ekereja ame aka yiirakaaya mpantte, wira atithi aka, apiipi aka.” Muhimuhiye

xetwani wootathelani yeeyo. Bibilia oohimya, mwa Okathi Mithanu na Miili wa Ekereja, n'itthu memmo, sothene sinkhalaka epyo! Eyo ekeekhaii. Etthu yothene ti yoohononeya. Etthu yothene nikhwatta noowunnta. Muhaahiye wootathelani, wira, "Ahe, iyo ilakeyelo sooreera. Hiyo na oosomaxa ovikana saakhalakaahu mahiku a khalayi." Muhimuhkiye xetwani okeliha yeeyo mwa nyuwo. Koowoonihani mutthokiheryo awe wothene wa osilimu, osoma ni siyensiya. Owo ookhalana eyo mukereja, ni muhiwelele yeeyo. Mukumihe muru anyu mutelevisawuni iye soonanara ni itthu siiso!

<sup>166</sup> Nto y'osoma ahu enihimya wira, "Muhiilikanyiheke, masi murukunxiwe." Kahi ovolowa ni wira, "Miyo kilipihewe, Ttiminku." Nnari. Mukele murukunxiwe naanaano va, orukunxiwa wa ele mukhanlyaanyu, mukhale ele Muluku ontthunaawe wira mukhale.

<sup>167</sup> Vano, eyo entthariha muthinto xeeni w'epyo ori mwa nyuwo. Vakhala wira epyo y'akhili, y'osoma eheliwe mwa nyuwo, eri etthu emosa paahi enweryaaya wira, woohononani, ti yeeyo tu, wa mwaana mulopwana wala muthiyana a Muluku. Eyo t'itthu emosa tu enweryaaya wira. Athtu olelo, ntoko sinoonaaka, awo anira ntoko wira khanwerya hata waamini wira ookhala Muluku.

<sup>168</sup> Muswammaha nuulumo nla. Vakhala wira miyoonelo sa mutthu siroosikulihwiha ni yeela, nkinlakela. Ittiminku vakhani sivinre kaahilattuliwa, ni mwan'aka mwamuthiyana, wira kirwe oholo wa etelevisawu wira koone masipo a etiini. Waari Ttiminku voosiisu. Miyo kaatthuna omwiiwa Oral Roberts mprokramani mwawe, miyo khwaahimeerya wira ekileele. Khwira, "Nkaiwani ela, anniipiwa oratta-ene masipo." Mwan'aka eemenle vale, khukihimeerya yeeyo, nave. Vano miyo kirukunxa ekaruma ele . . .

<sup>169</sup> Hiyo naarenttenri wa muthiyana orina etelevisawu mpaani mwawe. Miyo nkinathuneke okhalana emosa owannyaka. Nnari, mulopwana. Nkinthuna etthu iyo mpaani mwaka. Miyo kaamphutula eyo ni kapwitthi aka. Nkinthuna hat'etthu ni etthu ile yootakhala. Nnari, mulopwana! Masi khukuxa e . . .

<sup>170</sup> Mukihkiye kooleeleni ya nyuwo atthu a wArizona va. Muhoona ithokoseryo iye nihiku nle, sa ixikola, khimoonne? Ipursentu miloko mithanu na miraru sa anamwane muxikola sa wArizona annihaaxeya ni eretta yoovahuwa, ipursento miloko mithanu na mosa ni thanu na piili waari mwaha wo woona etelevisawu. Ankhi yeeyo?

<sup>171</sup> Vannireerela nyuwo orumeela ekapwitthi! Munnona? Vano, muhimutthuniherye xetwani wootathelani yeeyo. Nnari, mulopwana. Vano atthu, ntoko sihimalyaaka, atthu anira ntoko wira kharina orwa Woolamuliwani.

<sup>172</sup> Aximiravo ala n'aximwali, yaahikhalana emusi emosa ya Ahinti, ni itthu sinci-ene. Kinoona wira mulopwana mmosa oniihaniwa Mwenye Pool ti mahoolela. Nto vakhala wira kootoko wiiwa onyemula wa vano wa masipo, ti enamuna awo yeettiheryaaya; nikhuru na maRicky neemenle-ene vale, attikinyaka matata aya osulu ni vathi.

<sup>173</sup> Miyo vekeekhai ookisivela mmirav'ole va voosiis'ula, oipale, aakhala ntoko oowiisumaaliha, ntoko mutthu eekeekhai. Miyo—miyo okisivela eyo. Okathi nyuwo—nyuwo alipa a nakoso imaara sikina munnaaruuhu nikhuru na maRicky ala aneemelasa va, ni enatuphasa, ni wiirasa ithtu siiso, ni ovarela iphumu saya mpakha okhala ooripelela wiitho; ni iwo kuhiyo wiipa, iwo onyakula paahi woowaatta wa siyensiya. *Wiipa* “erumelo enkhuma vamurimani.”

<sup>174</sup> Nto miyo kuupuwela, “Wooniha othunku! Wuuliha muru xeeni! Vano moota vathi va nsina na etiini, awo anii'r'aya ntoko wira khaavo Muluku!” Nihiku nlo, mutthu mmosa, aahimwiirela mmiravo mmosa oneetta ni mwan'aka mwaamuthiyana, mmiravo muKristu khwira, khunvaha moonelo mmosa w'ethiru mwaha wa Atamu ni Hawa, khwira, “Hawa aviraka omatta. Khwira, ‘Anamwane, nyuwo munnoona mwiri ule vale?’ Khwira, ‘Ti vaavo ame anyu anihiyalyaaya nihirina empa ni ethhoko mwaha wa yolya emosa.’” Mwaamuwerya otthokelela, vaatthuneya okhala muKristu ooromeleya, aarowa omukuxa natiri ni Masu a Muluku n'urihela munikhomani mwa ikuluwe! Awo aniiira ntoko wira kharina orwa Wolamuliwani. Masi Muluku onooruuha khula esiiri Wolamuliwani. Awo aniiira ntoko wira khaavo Muluku.

<sup>175</sup> Miyo nkintthuna owiihana alolo, okhala wira Bibilia ohimmye wira mulolo...kahi yooloka. Yesu ohimmye wira kehiyo. “Muhimwihane hata mutthu mulolo.” Masi mwa Masalmo 14:1, “Mulolo oo himya mmurimani mwawe, ‘Khaavo Muluku.’” Munnona? Awo—awo kahiyo...Miyo nkintthuna owiihana alolo, masi awo aniiira ntoko wira ti yaawo. Awo aniiira ntoko yeeyo.

<sup>176</sup> Tivo, munnoona vatthu varyaahu olelo, ntoko, “Khaavo Muluku.” “Kiniira mpantta wa ekereja!” Nto awo othene, ethhu yothene, Bibilia, eperwa yuulupale. “Ekereja ahu ennisuwela otthu onrowaaya!” Ayo...[Nipuro vahiiitthu mufiitani—Mol.]...anlukama omooroni, voolikana-ene. Voolikana-ene ettharaka ephiro eyo, voolikana-ene ni siyensiya ni osoma, iseminaariyu sa teyoloxiyya ni itthu, yaakakhelaka ephiro yeeyo. Erooho Yoowaarya kherina okathi wo ovaha muupululo mwa hat'ethhu; eseminaariyu yoothikila eyo mme.

<sup>177</sup> Erooho Yoowaarya eri wira enihooleleke; kahi eseminaariyu, kahi mapixipu ni anamawehaxaxa a atthu othene, ni sikina. Erooho Yoowaarya ti Muholi ahu.

<sup>178</sup> Kayini aari mutthu ntoko yaawo. Owo aari natiini saana. Vano, vakhala wira etiini ti yothene murin'anyu okhalana, weeso Muluku aari oohixariya mwaha wo omuhukhumu Kayini. Okhala wira, owo aari natiini, owo aari natiini ni naxariya ntoko Apele saaryaawe. Vano muupuwele, owo aahimutthokelela Muluku, aahimukhorela Muluku, aahikhala ekereja, aahimuteka altaari, owo aahivaha mukuttho, owo aahivekela, aahikokhorela, masi aahikhooottiwa. Hata wira sayi...Esawu aari siiso, nave. Munnona?

<sup>179</sup> Etiini, moone, owo muteko wa Satana; kahi wiiva ethtu yothene, masi opahula. Ti yeeyo tu. Owo khonrowa wiiva ethtu yothene. Oh, kahi makomunista; nnari, nnari, nwanani a Kristu kahiyo komunismu. Bibilia ohimmye wira, "Yaamuwoototha ale Oothanliwa vaakhanle wira vaaniweryaneya." Muhiwehe ekurtiina ya yuuma, masi ele yoorika. Ah-ha.

<sup>180</sup> Masi, nwehe, Kayini aahirwa okkhorela, masi owo aarina epyo yoovonyeya mwa yoowo, epyo y'enowa. Muturi wa enowa waahimoopela owo, okhala wira owo aari epyo ya muthiyana. Owo aanisuwela otthuna wooloka wa Muluku, masi aahikhooitta wira. Mwaanisuwela yeeyo? Satana onnisuwela otthuna wa Muluku, masi onookhooitta paahi wira yeeyo.

<sup>181</sup> Nwehe, owo aahoona wira Muluku aahilipiherya mutthaka wa Apeli. Vano kintthuna wira muupuwele, murumeele Efilituru anyu ya mutthu onuupuwela vano minuutu mmosa. Mutthaka woolikana wa Apeli, Muluku aalipihenrye-awe wira waari Ekeekhai! Munnvara vano? Uh-huh. Mutthaka wa Apele waahaakheliwa, ni Kayini aahoona ni khusuwela wira Muluku aahilipiherya mutthak'ole okhala woolikana. Masi owo khaawerya tu wira. Wiisonna wawe waahimukhooittiherya. Ti yeeyo, wiisonna wawe waahimukhooittiherya wira. Owo aahimoona Muluku olipiherya mutthaka.

<sup>182</sup> Tivo enkhala ntoko siiso olelo, ti yoolipa saana wira atthu yiyyevihe wa Masu a Muluku. Awo—awo—awo paahi khanthuna wira. Awo aniiyeviha wa eyaaminelo ya ekereja, vekekhai, masi kahi wa Masu a Muluku.

<sup>183</sup> Mwaatthunaka ophwanya yeela, murowe o... Kookhalana Soolempwa va, ti yeeyo enihim'yaka va. Maphattuwelo 4:6 ni 7, Muluku aahimuhimeerya Kayini, khwira, "Owiitho wanyu orwelenle-ni mannyari? Exeeni enanareeliwaanyu, mweettaka? Munoomalaru wiiwa mutthaka wooxankinheni." Khwira, "Ahe, muniirela-ni yeeyo? Owiitho wanyu arweelenle-ni mannyari, okhala wira Miyo nkirwiye mukereja mwanyu? Vano mwiirenle-ni siiso?"

Munirumeela Efilituru ya mutthu onuupuwela? Munnona?

<sup>184</sup> Wala, "Muhi... Xeeni okhala siiso?" Khwira, "Mwaira-ru saana, rowakan i mwaire ntoko munn'inju siniraawe vale, Miyo kinoowaakhelani ni wooreerihani. Miyo kinoowiarelani ethtu

emosaru." Masi owo khaakhanle wira tu. Owo khwira, "Vano, mwaahiire siiso, etampi ya ohaamini eri vamukhora."

<sup>185</sup> Vano awo yaanileelaka wira, "Mahiku a miiriiryaaavira," awo annoona eyo olipipheriwa voolikana ni wooniheriwa, moone, itthu iya sothene Muluku aalaihenryawe wira Owo aamwiira mahiku ookiserya, ya Wiisuupulula 10 ni Malakhiya 4, itthu sothene iyo soolipipheriwa oratenee, mulattu ene xeemi, axinna? Exeeni ehilonke, munnona?

<sup>186</sup> Yaahaire, ohaamini, ekhanle etampi... Eri etampi emosa paahi, ekhanle, ohaamini. Ti yeeyo. Nyuwo khamunlamuliwa mwaha wo owurya, onvura sikaro, omulya soona, waawara akaputtula, khula ethtu muniiraanyu. Nnari, eyo khenoolamulani. Okhala wira khimunaamini. Mwaamini-ru, khamuniira eyo. Munnona? Mulipa-oowaamini khoniira eyo. Owo onikuxa Efilituru ya mulopwana onuupuwela, moone, moone, wala Efilituru ya muthiyana onuupuwela, khula emosa. Vaareera. Masi, moone, etampi eri vamukhora.

<sup>187</sup> Vano nwehe etthu eyo yaamwiirihalyaaya Kayini, ni enrowa okhala emosaru olelo. Eyo yaahimwiiriha Kayini orowa, vootthuna natampi. Owo aari ooheeilela vootthuna. Khula mutthu onookhala enamuna emosaru. Oohiwelela vootthuna vaamanlyaaawe woona mutthaka wa Apeli olipipheriwa ni Muluku, wira waari ekekhaii, nave khukhootta wira. Khwiira siiso nto. Vano owo khutupha mukaano wookawanya.

<sup>188</sup> Wookhala mukaano mukhanlyaaanyu otuphaka. Moosuwela eyo, khamunsuwela? Vano, arumeyi, va ni iwo—mutlefoonini weiwo elaleereryo ela enrowaaya mulaponi mothene, nyuwo munnisuwela yeeyo? Okathi onoonaanyu wira ti Yoolempwa, vano khuhinaira, Muluku kweekwe khonrowa... Owo ono... Oh, nyuwo munookelela oholo, munoreerihiwa. Siiso yaahikhala ni khula mmosa a Isarayeli, awo yaahikhala mothakoni, ni yaahaalela an'aya, soolima saya, ni ooreerihiwa, ni itthu sothene, masi "khula mmosa a awo oovalaaniihiwa ni Muluku Voohimala." Yesu ohimmye siiso. Oh, ayo, Muluku onootthikela ooreerihakani, masi momalamala. Vekeekhai. Ti yeeyo Bibilia enihimyaawe vano, ti yeeyo Owo ohimmyaawe. Nwehe, nyuwo pooti otupha mukaano woovalaaniha. Munnaamini yeeyo? Kayini aahiira.

<sup>189</sup> Nrowe—nrowe nikhunle va minuutu mmosa, kookhalana aHeperi 10:26. Nrowe noone sinto kinoowerya ophwanya yeeyo vowaakuva. Eliivuru y'aHeperi, kapiitulu 10 ni e... kookupali, eversiikulu 26. Kookhalana yoolempwa va. Minuutu mmosa paahi, mwavilelaru ni miyo, nto nisome paahi Yeeyo minuutu mmosa. Vaareera, ela eri va.

*Okhala wira naakhanyereryaka wira etampi vootthuna nimanle-ene... waakhela osuwela wa ekekhai, khuovo-tho mukuttho mukina wa itampi,*

*Masi oлиpelela olamuliwa wo woopiha ni mooro onvarela onrowa ompwetexa nwanani.*

<sup>190</sup> Eyo ti SIISO ANIHIMYA MASU A MULUKU OOWAARYA. Naahaamini-ru voothuna nimanle-ene woona Eyo ni wiiwa Yeeyo, vano nootupha mukaano. Khunrowa-tho okhala oleveleliwa wa yeeyo, mootupha mukaano.

“Oh,” nyuwo muniira, “Muluku nlelo onnikireeriha.” Oh, ayo.

<sup>191</sup> Nwuupuwele Isarayeli, *omukaanoni*, okathi Muluku aavahalyaawe natiri, wu Muttetthe Woowaarya, e... mmuttetheni, waari wooreera, wa eleethi ni oravo, nto okathi Moise omurummyaawe Kalebi ni Yoxuwa, ni alipa-oohottela, wira erowe, yahottete muttetthe, ni khuruuhakeekhayi yoolipikeriwa, muloko wa awo yiirale, “Khanikhanle wira, khaninwerya, nkawehani mikattyamaho iwe, ninookhala anamathipelela, hiyo nirina itthu iya sikhaani wira niwanane, nkawehani ethtu awo arinasaaya, hiyo—hiyo khanikhanle wira, hiyo khanikhanle oowerya wira.”

<sup>192</sup> Yoxuwa ni Kalebi khwira, “Hiyo ninniwersyaxa wira, Muluku t’omuhimmye natiri.”

<sup>193</sup> Nto, muupuwele, awo yaahihokolowa. Eyo waari oKadexibarne. Awo yaahihokolowa khukhala anaweettasa mothakoni. Ni khula mmosa a awo aahikhwa, ni aapweteya Voohimala. Yesu ohimmye siiso.

<sup>194</sup> Muhituphe mukaano owo woovalaaniha, moone. “Mwaasuwelaka wira yooreera, nave khuhinaira, wa nyuwo eyo etampii.”

<sup>195</sup> Isarayeli aairale ethu emosaru. Vaamanlyaya omoona Moise olipiheriwa, vano awo khumuhiya Palaamu waatathela, Epyo ele yooreeraxa yoolipikeriwa. Pastore, muhikhalkahale (nnakhala) muhimyaka ethu yoovirikanya Masu ala. Nkanweheni Palaamu, owo aari profeta, ni aahoona Epyo ya Muluku olipiheriwa. Masi vathi va muromolelo awe muulupale owo aakhalaawe-mo, Mowabi aahoona nikhuru nle n’anamweettasa eviraka mmuttetheni, owo khutathela, khwira, “Ahe, nwehererye minuutu mmosa. Hiyo othene n’akristu. Hiyo othene n’alipa-oowaamini. Vano, axitith’ihu n’axitiithi anyu amosaru. Hiyo khanihiyo aana a Lothi? Lothi khaari musulu awe Abrahamu? Hiyo othene khanihiyo mmosaru? Nithelaneke mmosa ni mukhwaawe.”

<sup>196</sup> Nto Isarayeli, ntoko Hawa omatta wEdeni, aamuhin’ye Satana omutathela, owo nave-tho aahimutathela Isarayeli ni profeta owoootha. Okathi, profeta eekekhai aaryaaawe ni yaawo, ni Masu oolipikeriwa. Masi mwaha wa osuwela muupuwele w’ankhili, owo aahaatathela. Muupuwele yeeyo. Vano, khenatoko oleveleliwa, etampi iyo khenatoko oleveleliwa.

<sup>197</sup> Ipyo saahintta vaavale vene mphironi mwa muteko, erowaka muttetthe wa natiri. Khula mmosa a yaawo aahipweteya khuntta, vakereja vaavale vene, mphironi mwa muteko, emuttharaka Muluku. Ni khumuhiya Satana waatathela eveneno ele ya akhili, etthu ya esomelo, yoowuupuweliwa ni ankhili, airaka, "Vano, hiyo othene nri mmosaru, hiyo othene n'ana a Muluku." Nyuwo khamuhiyo! Masi owo aaroomuhiya muxuttiha ole owoootha waatathela muupuwelo ole wa akhili owo aarinaawe ya Yeeyo.

<sup>198</sup> Nto siiso ntoko Mwaatano Ekumeeniku oniiraawe naanaano va, moone, etthu emosaru, "Vano, hiyo othene ninrowa wiitakaninha mmutthenkesoni mmosa muulupale." Mweettiheryo anyu wothene wa mutthenkeso ti wa xetwani. Eyo ekanyeryo ya nxeni, mBibiliani. Miyo kinookhalana eliivuru ya yeeyo, naanaanoxa, Apwiya yathhuna vale.

<sup>199</sup> Nwehe, okathi wa Nowe, yaahoona Masu etekiwaka, wira elenleye. Vano mukihiyi kihimye moonelo mwaamukhaani va, Masu anootakaihiwa wira nirukunxiwe okhuma vathi nirowaka musulu. Yoonaka eyiiranihelo ya etthu; masi ni miyuupuwelo saya s'akhili, yaahitheya oholo wa profeta, Nowe, okathi waalaleeryaaawe sa okathi wookiserya. Masi exeeeni yaa... Eyiiranihelo yaapakiwe ni Masu a Muluku, oottiyeleliwa mpuwa ni ota, ni mavekelo ni waamini. Varuulyaaya ipula, miyuupuwelo sothene s'akhili sa itiini saahikhwa khuntta vaavale vene va... mukereja mwaya mwemmwé, vaavale mulaponi. Nto ekalawa yaahilenleya vasulu va sothene. Epyo yootatheliwa siyensiya yaahintta woohukhummwani.

<sup>200</sup> Exeeeni eneereryaahu wira, khula enamuna? Nineererya okhaliha ekereja ahu ahiiso nimphavela okhaliha Masu a Muluku? Exeeni hiyo emphavelaahu wira? Ninvara muteko mwa xeeni? Hiyo nimphavela waahokoloxerya atthu mwa Yeela? Exeeni Hawa ola muulupale omphavelaawe wira va mahiku ala ookiserya, ekerej'ela Hawa?

<sup>201</sup> Kihaana omaliha naanaanoru, munna, okhala wira va—vanootepa oxa. Mukivahé minuutu soophiyaka muloko ni mithanu paahi, nto kinoomala mwa so—Soolempwa saka va. [Munna mmosa oniira, "Vekeekhai, mukeleleke oholo."—Mol.] Ayo. Vaareera. Koosuwela. Ahe, atthu khino antthuna ovolowa mu ni avele-mo. Masi kinikhala ntoko yookirikela ohiya. Kinimwaakuva. Vaareera.

<sup>202</sup> Nkawehani, Hawa muulupale, a siyensiya, a osoma ni ootakanxiwa olelo, oniitthaniwa ekereja, etthu owo oneereryaawe wira? Owo oneererya ovuwiha Masu a Muluku, ni waahiya atthu wira ntoko siniiraaya? Awo khanrumeela Efilituru ya mutthu onuupuwela, wala, Efilituru ya Muluku. Nkawehani etthu ankumiheryaaya. Awo aniiwuwiha mmansaya. Ekereja eri, mwa epyo aya yoohononeya ya porokrama a osuwela,

ehiiriha nloko nothene okhala mwa siyensiya noohisuwela Masu a Muluku. Vano kinoovara miyonelo iyo, nkinrowa opisihaxa vano, wira kimalihe. Oohisuwela ni siyensiya! Okathi Muluku, mulaponi muumu, oniiraawe itthu Owo siniiraawe, ni Masu Awe oolaiheriwa, nave awo anoohiya Eyo ni orowa khala wira awo t'ohisuwela ni siyensiya. Oohisuwela ni siyensiya!

<sup>203</sup> Miyo kaamutheya nto mwaha wa Munna Williams va, orookeva va vapapheloni, “Pooti okhala oxekuwa wothene,” etthu emosa. Masi, miyo kinnixukhurela yeeyo, eyo eri saana. Munnona?

<sup>204</sup> Masi atthu ani—aniira etampi voothuna. Eyo yooruuhela—eyeettihero yothene ya ekereja molumwenkuni olelo omuthekela Muluku voothuna. Vano, elakeyelo yoolimaleleya enoowooniheryani wira Eyo ekeekhai. Vaareera. Ekuwo ya okhalela ithaama yoopwexa maitho aya, wa Masu a Muluku, nto eyo emphwanyaneya-tho yoohiwar’etthu. Nyuwo moosuwela, Muluku, mwa Wiisuupulula 3, ohimmye wira, “Murwe, muthume murette wa mmaithoni wa Miyo, wira maitho anyu ethukuwe.” Moone, Murette wa mmaithoni ti Masu Awe.

<sup>205</sup> Nyuwo moosuwela, awo aniira, “Ahe, mulopwan’ola oosoma miyaakha miloko mixexe, wira ophwanye ikharawu sawe. Owo ti B.L.D., D.D., ni sothene iya.”

<sup>206</sup> Nyuwo moosuwela etthu Yesu ohimmyaawe mwaha wa yeeyo? Owo iirale, “Mutthu aikhootte mmansawe.” Paulo aahiira.

Nyuwo muniira, “Eyo khenihimya yeeyo.”

<sup>207</sup> Ahe, xeeni Paulo akelaka otthara, nto? Owo iirale, “Miyo nkinatoko orwa wa nyuwo ni moolumo ookuxa murima a osuwela wa muttu, okhala wira mwaamukhalija miroromelo sanyu mwa yeeyo. Masi kirwiye wa nyuwo mwa owerya ni wooniheriwa wa Erooho Yoowaarya, wira masu anyu yaarowa okhala . . . waamini wanyu olipiheriwe vasulu va Masu a Muluku, kahi wooniheriwa wa osuwela.”

<sup>208</sup> Enikhala ntoko wira atthu ohaapweteya olakeya waya woolimaleleya ni wiisumaaliha. Awo kahiyu ntoko saakhalakaaya. Yaanikhalaka wira, okathi profeta aahimyaawe wira, “SIISO ANIHIMYA T’APWIYA,” atthu yaanithukumela. Ayo, vekeekhai awo yaanithukumela. Atthu yaanittikinyeya, okhala wira yaanoova. Masi vano awo aapwetexa woova wothene wa Yeeyo. Awo khanimoova Muluku.

<sup>209</sup> Salomoni oohimya, “Yo—omoova Muluku ti mapacereryo a osuwela,” mapacereryo aya paahi.

<sup>210</sup> Masi profeta onoowerya olavula SIISO ANIHIMYA T’APWIYA, atthu aniira, “Ethiru!” Moone, khuuvo nroromelo wa awo. Eyo ti, awo aniira, “Vano, hiyo n’atthu oosuwelaxa.

Hiyo n'ankhili, hiyo khanrina okupaliki enamuna eyo ya itthu! Hiyo ninnisuwela etthu enihimyaahu!"

<sup>211</sup> Wookhala-tho muruku wa khalayi, wira, "Alolo anneetta ni ixapattho sirina iperek, vaavo Malaikha anoovaaya onyakelavo." Vekeekhai.

<sup>212</sup> Vano, orukunxiwa exeeni? (Naakuvaka.) Nimpchwanya sayi? Exeeni enrukunxa? Muluku onniira ni Erooho ya Masu Awe. Owo onnirukunxa. Owo onaala Epyo Awe, onihela Erooho Awe mwa Yeeyo, nto Eyo khunaima muhokorokho. Erooho Awe Yoowaarya ennirukunxa Epyo Masu muhina wira elipiheriwe ntoko muxovo Aya.

<sup>213</sup> Muthinto wa epyo nyuwo mukhanlyaanyu, eyo enooniherya paahi ele eri mwa nyuwo. Khimunwerya wiipithiha. Etthu p'itthu muryaanyu muhina, eyo enooniherya ota. Khimunwerya okhottiherya eyo. Khivanweryaneya okhalicha mwiri ule etthu owo ohikhanyaaya. Moone, on-onrowa okhala siiso. Erooho Yoowaarya enrukunxa ipyo siri muhina mwaya. Hata wira muthinto xeeni w'epyo okhanle, Eyo enoorukunxa. Yakhala yootakhala, enookumiherya otakhala. Yakhala namirima miili, enoomukumiherya namirima miili. Yakhalaru Masu a Muluku ooloka, Eyo enoomukumiherya mwaana mulopwana wala muthiyana ooloka a Muluku, muhina ovira mwa Efilituru ya mutthu onuupuwela. Epyo yamela vale, enivira mwa Yeeyo, Eyo enimukumiherya mwaana mulopwana ni muthiyana a Muluku.

<sup>214</sup> Nihiku nimosa okathi olumwenku waaryaaya mw'epiphini mw'evitikavitika, Muluku...Vano nwiriyane oratteene, okhala wira khaninrowa olavula...okathi vakhani-tho. Nkawehani. Nihiku nimosa okathi olumwenku waakhanlyaaya-tho mwa inamuna sothene sa itiini, onyawa, makapu, owara malaya oohiyana-hiyana ni ikofiyi, ni sikina, waari eriyari ya evitikavitika voomalela. Isarayeli ooloka a Muluku aahihononeya vanci-ene khukhuma mwa ikano ni sooruma sa Muluku, Yesu khwira, "Nyuko, ni ilimalelo sanyu, mookhalicha Masu a Muluku ohikhalaana efayita mw'atthu, ni ilimalelo sanyu." Nto nkaaweheni anamukuttho ale oowaarya, awo anniwiilana; nto Yesu khwira, "Nyuko mwa a tiithi anyu, xetwani, ni miteko sawe munnivara." Moone, eyo v'ekekhai t'ile Owo ohimmyaawe.

<sup>215</sup> Vano okathi olumwenku waaryaaya mwa enamuna yeeyo yo oreheriwa, Erooho ya Muluku yaahivira-tho vasulu va Epyo yaathommwe. Owo aahimuthamiha ni omurukunxa Yesaya 9:6 a natiri Awe; Owo, Muluku, aahipakiwa mw'eruthhuni ya mutthu, wira oopole okathi ule wa ehononeyelo. Okathi mutthu aapakiwaawe oolikana ni Muluku, va onoorwa Muluku, ni profeta oonaka khalayi ene...Vano muupuwele Masu, profeta aahoona khalayi ene, profeta mmosaru yoowo aamonne Satana mahiku ala ookiserya, moone, wa mutthokiheryo ola wa osoma ni

itthu owo aarinaawe, mutthokiheryo wa etiini. Profeta mmosaru, Yesaya 9:6, khwira, "Nooyareliwa Mwaana, noovahiwa Mwaana mulopwana; nto Nsina Nawe onrowa wihaniwa 'Namiruku, Mukhulupale a Murettele, Muluku Oowerya, Tithi A Mahiku othene.' Ni omwene Awe khonrowa omala." Nto Masu awo ti Masu a Muluku. Vano Erooho khweetta vasulu va Masu awo, vano Awo khupakeya mmirimani mwa mwali harusi. Amen. "Mwaana nooyareliwa," kahi opattuxiwa, "oyariwa."

<sup>216</sup> Satana khweererya ni khweererya-tho, otathela Yaawo. Owo khimuroiha Owo vasulu khwira, "Nywo mwaari yeeyo munihimyaanyu wira Nywo mwa yoowo, vano mukipakele ovoniha kamosa-kamosa va wa miyo. Mukoonihe moota Nywo onweryaanyu wira. Mutatuxe ela, mukatthe, ni maluku ala ekhale mukatthe. Niwooneni Nywo mutuphaka, okhala wira Yoolempwa enihimya wira Nywo mwaamwiira."

<sup>217</sup> Munniwoona axetwani awo anatiini olelo nlelo ahimyaka etthu emosaru yeeyo? "Yaakhanle-ene etthu iyo ntoko ovonihiwa ni Muluku; va ori Munna *Lexe ni lexe*, niwooneni munvonihiaka."

<sup>218</sup> Xetwani ene yoowo aaheemela vamwiikimanyo va Yesu, khwira, "Nywo mwaari Mwaana a Muluku, mukhuruwe vamwiikimanyo."

<sup>219</sup> Masu yaahimmye wira Owo aari Mwaana a Muluku. Erooho yaahooniherya wira Owo aari Mwaana a Muluku. Yesaya 9:6 aahimaliheriwa. Nto ohiyu umosa, anci-ene a nywo muhiiwa okumiheriwaka mprokaraamani moota naavahale-ahu Soolempwa, ntoko miloko mithanu na mosa ni etthu, kookupali, nooniheryaka wira Yoolempwa yaahimya wira Ole aari Yoowo.

<sup>220</sup> Oh, Satana khweererya ni khweererya-tho, wira sothene. Ohiyu umosa, ommaathale-ene ottuli wa paketi, owo aahimoona Owo arupaka. Nto owo khwira, "Kinompwetixa Owo naanaano va." Masi owo khuhiwerya.

<sup>221</sup> Owo aaheererya omuttehatteha wira Owo aire etthu yoonanara, masi khaawenrye wira. Mwaha wa xeeni? Owo aahitatheliwa ni ekakhelo ya otthommwa. Awo khakhanle wootothiwaka. Nnari, nnari. Masu ahimmye wira Owo aamukhala vaava. Amen. Khaavo hata xetwani onrowa omuhaaxa Owo, ni hata mwaana mukina a Muluku, otthomeliwe okhala opuro Awe. Owo ootatheliwa ekakhelo. Eveneno ya Satana, matotori a miromolelo hata khanimukwannyia Owo nnakhala. Owo onookelela ohoolo, khiyaavo etthu enrowa omuhaaxa, Owo, moone. Eyo khiyaaphwanyinhe hat'etthu mwa Owo.

<sup>222</sup> "Ahe, kinimookhalihani pixipu a elapo yothene. Miyo kineettiherya eyo. Nywo mwakikokhorela-ru paahi, murwe mwiitakaihe nnikhuru naka, kino—kinimookhalihani mulipa-oolamulela. Kinoovukuwa, wira Nywo nwele."

<sup>223</sup> Owo khwira, “Khumani va, Satana. Yoolempwa wira, ‘Mmukokhorele Muluku, Masu, ni mmurumeele Yoowo paahi.’” Vano nihiku nimosa . . .

Mwa Mutth’ula muulupale, kaanithhuna kikhanle-ene vaavo okathi vakhani.

<sup>224</sup> Masi nihiku nimosa, Erooho yaahithikela orwa wa Yoowo; okhala wira yaahikhala Masu yaalempwe a Yoowo, yaakkhumme wa Muluku, ni profeta, “Ni Owo ooroihiwa wiiviwa, ntoko mwaapwittipwithi.” Nto Erooho yaahimurweela Owo, khimuroiha, khumurowana vamwiikimanyo w’oKalvario. Iwe Owo khukhwa. Ni itthu sothene saahimmwe sa Yoowo mookhwaani Mwawe, saahimaliheriwa, wira oruuhele Waarya ni Ekumi Epyo yothene yootthommwa ya Muluku yaari elapo ya vathi. Owo aahivaherya enamuna yo wira. Va eri Epyo, Erooho eniruuha Ekumi; yaarukunxaka aana alopwana n’athiyana a Muluku, okhuma molumwenkuni mw’evitikavitika ela yooriipela, wira ekhale aana alopwana n’athiyana a Muluku.

<sup>225</sup> Muhiikwattule mwa nuulumo nlo “otthommwa.” Miyo koosuwela wira nyuwo munniikwattula. Masi, nwiriyane, Nlo khanihiyo nuulumo naka. Awo ti Masu a Muluku. Nyuwo mwatthuna osoma, musome aEfeso 1:5, yeeyo, “Owo ooniththoma hiyo wira nikhale aana mwa Yesu Kristu.” Munnona?

<sup>226</sup> Mukhiye kipwexakase minuutu mmosa paahi, mwa, minuutu mmosa paahi, wira kikumihe mmuruni mwanyu. Nkawehani. Siiso ntoko mwaaryaanyu mw’atithi anyu, wopaceryani, ntoko epyo eropo. Mwaanisuwela yeeyo, khula mmosa a nyuwo? Nyuwo mwaari mwa muhapwaapu aya apwaapu anyu, nave-tho, mwaanisuwela yeeyo?

<sup>227</sup> Musome Eliivuru y’aHeperi, vaavo nimpchwanyaahu wira Levi aahiliva sa namuloko okathi waaryaawe mmuthanani mwa Abrahamu, maloko maxexe ottuli wawe. Okathi Abrahamu aamulinve-awe sa namuloko Melikhiseteki, eyo yaahaalakeliwa mwaamusulu a vathi wawe, vano owo okathi uwo aari mmuthanani mwa Abrahamu. Eyo vo. Munnona?

<sup>228</sup> Nyuwo mwaari mmuthanani mwa atith’inyu, masi atithi anyu khiyaawerya opathhana ni nyuwo mpakha nyuwo orukunxiwa khukhala erutthu ya ethayi.

<sup>229</sup> Mwan’aka ole vale aari mwa miyo. Miyo—miyo—miyo kaanimutthuna mwaana, masi owo aari mwa miyo okathi uwo. Munnona? Owo aari mwa miyo okathi uwo. Masi mwa othelana, owo oorukunxiwa khukhala mulopwana ntoko miyo, vano nto khukhala ntoko miyo.

<sup>230</sup> Vano munkhala ntoko axitiithi anyu, moone, okhala wira yaari mwa nyuwo, opacerya wene. Vano hiyo nakhala aana a Muluku, mikhalelo Sawe... Yeeyo, nyuwo mukhanlyaanu mukhalelo w’atithi anyu, kahi amey’anyu; atithi anyu. Eropo enkhala mw’atithi. Munnona? Nto vano amey’anyu yaari

namaphuramwela yookuxani nyuwo, yaakuxa epyo y'atithi anyu. Munnona?

<sup>231</sup> Ni elapo ya vathi, mwa erutthu, nave-tho namaphuramwela enkuxa epyo ya Muluku. Moone, woolikana ene. Kahi olumwenku, moota olumwenku oryaaya muulupale; ti moota oryaawe muulupale Muluku opanke. Munnona? Munnona?

<sup>232</sup> Vano nyuwo mwakhala mwaana a Muluku mulopwana ni muthiyana, vano nyuwo mwaari mwa Muluku wopaceryani. Nyuwo mwa mukhalelo Awe. Vakhala wira khimwaakhanle okathi uwo, vano nyuwo khamunakhaleke wala khamunkhalakhala mukhalaka.

<sup>233</sup> Okhala wira, nkikhanle omukuxaka, mmuthanani mwaka, mwaana a mulopwan'ola *va* wala mulopwan'ole *vale*, miyo kinwerya waakuxa an'aka paahi, ni awo ankuxa ekhalelo aka. Aleluya. Munnoona yeeyo?

<sup>234</sup> Aana alopwana n'athiyana yaari mwa Muluku wopaceryani. Vano nkawehani. Nyuwo mookhalana Ekumi Ehinimala, munnihimya. Hiyo ninnaamini, wira nookhalana Ekumi Ehinimala. Ahe, eri enamuna emosa paahi y'Ekumi Ehinimala, nto owo ti Muluku. Eyo t'ithu emosa paahi ekhanle Yoohimala, ti Muluku. Vano nyuwo mwakhalana Ekumi Ehinimala, Ekumi iyo eri mwa nyuwo kweekwe yaahikhala, ni nyuwo mwaari mmuthanani mwa Muluku ohinatti hata okhala olumwenku. Nto okathi Masu Mmansaya... Yesu Mwaneene oniitthaniwa Masu, ni mwa Yohani Oowaarya 1, ohimmye wira, "Wopaceryani naari Nsu, nto Nsu naari ni Muluku, ni Nsu naari Muluku. Nto Nsu nihiipaka erutthu khukhala ni hiyo." Vano nyuwo mwaari mmuthanani mwa Yesu, ni mwaahirowa oKalvario ni Yoowo. Nyuwo mwaahikhwa ni Yoowo, vano nyuwo moohihimuwa ni Yoowo. Nto olelo nikilaanthe mapuro a Wirimu mwa Yoowo, oosareya Erooho Awe, aana alopwana n'athiyana a Muluku. Nikhwie ni Yoowo, nihihimunwe ni Yoowo. Vekekhai.

<sup>235</sup> Vano nto, vano, vano munooewerya opatthana ni Yoowo. Khivaaweryaneya ottuli wu, okhala wira nyuwo mwaari Masu paahi mwa Yoowo, epyo. Masi vano Owo owooniheryani nyuwo nto vano Owo ontthuna wira nyuwo mpathanake ni Yoowo. Vano Owo aahikhuruwa, khwiipaka erutthu wira Owo awerye opatthana orattee ni nyuwo. Munnoona opatthana wooloka voomalela? Oh, wulu, isiiri iyo soowiixerya sa Muluku! Moota eryaaya yoothamaleya! Moone, Muluku khaakhanle opatthanaka mwa Erooho, tivo Muluku khukhala mutthu ni hiyo.

<sup>236</sup> Yesu Kristu aari Muluku Mwaneene, oowiisooniherya, okhala wira, Owo aari Mwaana okhala wira Owo aarooyariwa, masi yaari empa paahi ya Yoowo wira akhaleke-mo. "Khaavo otonko omoona Muluku, masi ole Mmose-ene a Atithi tomusuwelinh Yoowo." Muluku aahiitekela Mmansawe

empa, erutthu wira akhaleke-mo, khukhuruwa wira nyuwo nwerye omukwannya. Timoteyo Oopacerya 3:16, “Vekeekhai, esiiri ya nttittiniho nuulupale; wira Muluku ohiisooniherya mw'eruthuni, ohooniwa ni Malaikha, khwaaminiwa, ohaakheliwa Wirimu.” Munnona? Vano Owo . . .

<sup>237</sup> Nyuwo muryeene erutthu, ni Owo oryeene erutthu, nto nyuwo munowerya opatthana vano, okhala wira Owo aari mukhalelo wa ophenta wa Muluku. Muluku ophentaa. Eyo ekeekhai? Nto Yesu aari mukhalelo wa ophenta wa Muluku. Nto okathi mukhalelo wa mphento wooniheriwaya, yoowo, owo aari Muluku Mwaneene; mikhalelo sothene saari mwa Yoowo, khurwa wa Yoowo, “Othene ale Atithi akivahaly’aya, animoorwa wa Miyo.” Vekeekhai, awo yaahaana otthommwa. Vahaakhanle siiso, nyuwo khamunrowa okhala weiwe. Ti yeeyo tu. Vekeekhai.

<sup>238</sup> Vano ninoowerya opatthana, waari mwa mi—mihakhu sa Masu Awe, ni mwa yeeyo nyuwo mukhanly’anyu mpantte. Nyuwo mwa epantte ya Masu; okhala wira Owo aari Masu wopaceryani, nyuwo mwa Masu vano. Munnona? Miyo kinoolaleya ohiy’ula, wala Ttiminku wala nihiku nimosa karwaa-ru, mwaha wa ele akhanle Masu, moone. Nto vano nyuwo mwa epantte ya Masu.

<sup>239</sup> Nwiriyane. Yookhala ethtu emosa miyo ehikhanlyaaka wiiraka. Nkinwerya wiihimyana amuharoioye aka. Nnari, miyo kinrwa mootakanxeyani moonanara. Atithi aka yaari mwirlanta. Ame aka yaari Muhinti squaw, Muhinti nuusu; amey’aya yaari Muhinti, yaanaakhelaka elivel. Vano, othene aya, oohapaliwa, anci-ene aya akhwiye ni ixapattho saya, ewanaka, anakapwitthi, ni sikina. Miyo nkikhanle wiihimyanaka yeeyo, okhala wira amuharoioye ni nloko na amusi aka towooopiha.

<sup>240</sup> Masi, munna, yookhala ethtu emosa kikhanly’aka wiihimyano, miyo kinniweriya wiihimy ni Pwiy’aka Yesu Yoowo okivulunxe. Ni n’uwerya Wawe wo orukunxa khwaala epyo, mwaha wo otthoma, nto miyo kihonna Eyo. Ki mwaana awani vano? Ayo. Kinniweriya wiihimy mwa Yoowo. Ni kooviriha miyaakha miloko miraru ni miraru sa ekumi aka, kiihimyaka ni Yoowo. Owo akiinanel-a-ru miyaakha mikina miloko miraru ni miraru, kinoophavela wiihimy-tho mwa Yoowo. Munnona? Kinoowerya wiihimy mwa a Khalayi aka, aleluya, Ole okivulunxe ni aalale epyo ya Ekumi mu, ni khukitthuniherya woona Masu ala, khuveleeliherya Erooho Awe khwira, “Ala ari va. Mulavule ela, nto enimwiiraneya. Mwiire eyo.” Nto oh, wulu, kinniweriya wiihimy ni Yoowo! Owo iirale sayi yeeyo? Mwaha wo orapihiwa wa maasi ni Masu, maasi oovalaanika. Kaanithuna niwenrye otaphulela.

<sup>241</sup> Alipa-oowaamini eekeekhai ootthommwa anookhala ni Masu okhala wira awo epantte ya Masu yaawo.

<sup>242</sup> Oh, ittheneeri soothweeela, munrowa othweeela mpaakha liini? Nyuwo aMetotista, aPatista, maPrespiteriyano, ale a ota, khula ethu nukhanlyaanyu, ittheneeri soothweeela, sinrowa ekereja ni ekereja, okhuma nipuro nnipuro, ni etelevisawu ni etelevisawu, olumwenku ni olumwenku, muhinrweela-ni? Owo onniwehereryaxa opatthana ni nyuwo. Owo onnoowehereryaxani nyuwo. Owo onthuna oorukunxeni uuluulaka muupuwelo anyu, kahi wa ekereja wala muromolelo, masi wa Masu Awe, yaawo, nyuwo mukhanlyaanyu epantte otthuna iwo wakhalaru mwa nyuwo.

*Ooreeriwa t'ale anvoliwa etala ni ntthona mwaha w'exariya: okhala wira anoovona.* (Munnona? Uh-huh.)

<sup>243</sup> Ni Owo ooveleeliha owerya Wawe wo orukunxa, wira ookumiheni moohononeyani mu mwa etiini muryaanyu-mo. Mw'evitikaviti mu moohononeya nryaahu-mo, Muluku ooveleeliha owerya Wawe wo orukunxa, Masu Awe, oolipiheriwa, owooniheriwa, wira yookumiheni moohononeyani mu mwa etiini wa ohisuwela nyuwo muneettaanyu-mo, "oohiwar'ethu, oohoona, oothoiwa, nave khamunsuwela." Nkuupuwelani yeeyo, apatthani.

<sup>244</sup> Nyuwo moosuwela, Muluku aahiveleeliha owerya Wawe wo orukunxa wira omaliherye Masu Awe, ni aahirukunxa erutthu yothe ne ya Sara ni Abrahamu. Aahimurukunxa mulopwana mutokweene ni muthiyana mutokweene, okhala wira Owo aahihimya wira aamwiira.

<sup>245</sup> Ni ele Muluku onlaiheryaaawe wira, Owo onimwiira. Khiivo hat'etthu, etthu p'itthu... Khula ethu yoohononiwa, Muluku khokhanle wiiraka etthu ni yeeyo. Masi Owo onoomaliherya Masu Awe, ni Owo onooveleeliha Erooho Awe! "Miyo Apwiya kihaala. Kinoonaaniha othana n'uhiyu, wira ohikhale mutthu onikumiha mmatatani Mwaka." Bibilia onihimya yeeyo.

<sup>246</sup> Oh, ittheneeri soothweeela, nyuwo murina otthuna mmurimani mwanyu! Muhaana okhalana, ahiiso khimwaarowa okhala mukilanthe-ene va voosiis'ula. Ni nyuwo khimwaarowa okhala mukereja iyo ni moowiriyana, n'ithu mury'anyu-mo, ota ni mulaponi mothene, vahaakhanle wira Etthu yaahooruuhani mme. Ookhala mutthu olavunle ni nyuwo. Muhikelele ohoolo. Wookhala orapiha wa maasi ni Masu, onrowa wookhalihani ootteela ntoko nakhtu. Oh, aana a Muluku, nwiriyane! Muhikhale moohononeyani mmo. Mukhume-mo. Abrahamu aahimwaamini Muluku, ni aahihana etthu p'itthu yoovirikana...

<sup>247</sup> Nyuwo muniira, "Kaarowa ophwanya sayi yoolya aka? Kaarowa wira sayi *ela*?" Owo ti muteko wa Muluku. "Kaarowa sayi? Axirikha aka yaamukithanya."

<sup>248</sup> Muluku iirale, "Ole onrowa waahiya atithi awe, ame awe, amwaar'awe, aiy'awe, itthoko, mampa; Miyo kinimwaavaha

itthoko ni mampa, kinimwaavaha axitiithi ni aximai, ni axinna alopwana n'athiyana, molumwenkuni mu, ni Ekumi Ehinimala molumwenkuni onoorwa.” Owo natirii, mpatthani. Owo, oh, ohaana okhuwariwa! Khula natiri Muluku onimulapaawe onniiraneya. Khula Epyo ya Muluku natirii.

<sup>249</sup> Nto, murokor’aka, muhiye omettha maihi awo, okhala wira eyo ethu yoophweeliha ohoolo wa Muluku. Muhiye owara ikuwo iyo, ti yoonanara wa Yoowo!

<sup>250</sup> Nyuwo axinna alopwana, nyuwo alopwana, muhiye orumeela miromolelo iya, mwiiraka itthu, ni waahiya axaar’inyu wira itthu iyo. Eyo ti yoohireerela wa aKristu.

<sup>251</sup> Mutthikele Mmasuni! Mukuxe Masu awo, Awo animunnuwa. Ahaana wunnuwa. Owerya wa Muluku wo orukunxa akhumeleinhe wopaceryani, Owo ootthikela-tho mphironi, aakhelaka-tho Yaawo vano. Owo ontthikela-tho olukama vaaryayaaya.

<sup>252</sup> Enokhi aahikuxiwa, okhuma mookhwaani, ni owerya wa Muluku onrukunxa. Exeeni Muluku iirenlyaaawe yeeyo? Wa ethoonyero ya Ekereja enikuxiwa enoorwa. Ayo. Eliya aari siiso.

<sup>253</sup> Erutthu ya Yesu yaahikhalihiwa ekumi numala okhwa. Nto mmahiye, erutthu ya Yesu yaahikhalihiwa ekumi ni Masu a Muluku; ni khurukunxiwa, okhuma elatarato, yookhwa yooriiryia, khukhala Mwaana, ohihimuxiwa oovuwihiwa a Muluku. Okhala wira profeta, Masalmo 16:10, mwatthuna vale olepa, 16:10, ohimmye wira, “Miyo nkinihiya munepa Awe mookhwaani, nnakhala nkimmuthuniherya Oowaarya Aka wunnta.” O Muluku!

<sup>254</sup> Masu awo ahaana wiiraneya, Awo Masu a Muluku! Mwaale Yaawo mmurimani mwanyu, mwatthuna vale okela Mookuxiwani. Mwatthuna okhala aKristu ooloka, nvahe opuro Masu ala. Ntoko kookupali wira aari Ezekiyeli, Muluku iirale, “Mukuxe epaphelo eyo mukhuure,” wira profeta ni Masu ekhale mmosaru. Ni khula natiri mmo ohaana wiisooniherya mmansaya, okhala wira ti Epyo y’ekekhai ya Muluku. Muhimuhiye hata muteyooloku mmosa oosoma nno weererya wookumihani. Muhimuhiye owo wootathelani ni siyensiya owo a erutthu n’ankhili, ni osoma. Mmwaamini Muluku!

<sup>255</sup> Abrahamu khaakunxe othokosa wa siyensiya wa nihiku nawe, wira, “Miyo nkireere wuuluvala wira kikhlanane mwaana, nkireere opwaha. Kihira *ela*, *ele*, wala *ekina*.” Masi owo aahiihana khula ethu yaari yoovirikana, ni Masu a Muluku, ntoko yahaakhanle. Ni khaamuhovenrye natiri a Muluku, mwaha wo ohaamini; masi aahikhalanai kurru, amuttottapelaka Muluku. Owo aanisuwela wira Muluku aaniwerya omaliherya etthu Owo aalaihenryaaawe.

<sup>256</sup> Oh, anamwane oothweelela, oonanarihiwa ni malaxi oorapela a elapo ela! Axinna athiyana oothweelela, a mapuro ni mihapo sa olumwenku ula sookunxaayani murima! Ni, murokor'aka oophentiwa, nyuwo pooti okitthokelela ntoko mutokweene oohikhala pani, masi nimosa wa mahiku awo mwakumana-ru n'ile Florence Shakarian okumananne awe ohiyu ule; owo ookilaathi musaala mu, nave, nipuro nenla, ntoko sinsuwelaanyu. Mwakumana-ru ni yeeyo, munoosuwela wira, nkihiyo miyo, masi Masu ala t'eekeekhai. Mukhume mummetthiwa maihi mmo, ilooca iyo sa mihapo s'owara. Mwiivalaanihe itthu iyo.

<sup>257</sup> Eniiriwa, “Xeeni nyuwo ohiwiixuttihaka itthu suulupale, moota w'okhala *ela*?” Mpacerye paahi ni ABC anyu, nto vo ninoomuphiyerya alxepra. Munnona? Mpacerye paahi wiixuttiha, “ole okhanle mukuttho woophwanela.”

*Tivo kinnotumereryani, axinna, mwaha wa ikharari  
sa Muluku, wira nvahererye erutthu anyu ntoko  
mukuttho mukumi, wooreerihiwa, ni woomusivela  
Muluku, okhanle mukuttho woophwanela.*

<sup>258</sup> Nyuwo mwiire paahi “mukuttho anyu woophwanela,” Muluku onookhapelela iye sikina; moone, otthokelela paahi itthu munweryaanyu otthokelela mmansinyu ni wira. Kehiyo...Kehiyo yoohiththokeleleya muthiyana wiirula, n'urowa nno ni wira siiso, Bibilia opwapwelaka yeeyo? Kehiyo yoohiththokeleleya mulopwana wiikeliha mmakanoni ntoko sirinaahu olelo, ni itthu iya sothene nno, ni itthu iya sothene s'oseminaariyu, ni itthu siiso, eyo eryeene yoovirikana mara ni Masu a Muluku? Munnona?

<sup>259</sup> Iyano sa Yesaya, owo aari mutthu pure paahi a iyano soonanara. Owo iirale, “Pwiya, miyo kiri eriyari y'atthu ootakhala, ni kookhalana iyano soonanara. Kootakhaliwa okhala wira koomoona Muluku.” Nto Nlaikha nimosa khukhuruwa, khukuxa Moor, Moor Wooreerihiwa waltaari wa Muluku, khurukunxa iyano sawe; okhuma iyano sa mutthu oothweelela, khukhala iyano sa profeta aarina SIISO ANIHIMYA T'APWIYA. Owerya wa Muluku onrukunxa!

<sup>260</sup> Anamatatha ihopa emiya emosa ni miloko miili, ni—ni anamatumiha ikuwo sootteetheya, sa athiyana, ni ale yaathukumanne empa y'osulu khuwalasa mikhora, akina aya oohisoma voophiyerya wira elepeke masina aya. Muluku aahaarukunxa okhuma atothi a ihopa, khukhala atothi a atthu; yaaryaaaya alopwana ni athiyana a mphironi, khukhala atthu oowaarya a Muluku, oohikhwa. Owerya wo orukunxa wa Muluku!

<sup>261</sup> Paulo, mempuru a ekereja ya vaavo, Prespiteriyaano, Mmetotista, muPatista, muPentekosite, wala ethu siiso; aakhumela mphironi, ni erooho awe yuulupale yoopaca mwa

yoowo, wira owo aanisuwelaxa onvikana khula mmosa a yaawo. Owo aannunwe ni Kamaliyeli, mmosa w'axuttihi oosuwelaxa yaakhanle mulaponi. Exeeni yiiraneiye arowaka oTamasiku, waavara nikhuru n'atthu yaamini Masu a Muluku? Arowaka iwe, aahimoroxiwa, ni aahiiwa Mutthaka. Vano Owo aahimurukunxa okhuma mempuru a ekereja ni namarowa okereja; khukhala profeta a Muluku, yoowo olempo Masu a Muluku, mwa Waataana Wa Naanaano. Okhuma mempuru a ekereja khukhala santu!

<sup>262</sup> Oh, ittheneeri soothweeela, nrowe neemele. Mwaana oothweeela, Epyo yoothweeela enrowa nipuro nnipuro, mwa ohononeya nno; murukunuwe, voosiis'ula, aana. Xontte mukiiwe ntoko mu—ntoko mutthu omphavela okhala eriyari ya akumi ni alipa—ookhwa.

<sup>263</sup> Muttetthe owo iwo eniphiya elaleeryo ela ya muraatiyuni vakhala wira nlelo muri oolikariwa, nyuwo muthweelenle khuphiya nipuro, xontte mukilaathi-tho minuutu mmosa. Koosuwela wira vahooxa oTucson nno ahiiso, kileveleliwe, Ophoenix, minuutu miloko miili wira ephiye ewoora yanamuloko ni piili. Ni kirina atthu ala va voosiis'ula. Kihookhalihani ottaiwene wa muteko anyu ni itthu. Masi nwehe, mpatthani oophentiwa, nyuwo pooti okhala ottaiwene wa Muluku mahiku othene. Xontte mutthike voosiis'ula. Khamuniira? Nookhala nipuro v'Ephattuweloni.

Mwaalyela inama khalayi, koosuwela wira ti  
siiso,

Mwaana aahiyariwa wira awoopole atthu mwa  
etampi aya.

Yohani aahimoona Owo ophareya,  
Mwaapwittipwithi a mahiku othene,  
Oh, Kristu, Vamwiikimanyo w'oKalvario.

Oh, kinnimphenta Mulopwana ole a oKalileya,  
a oKalileya,

Maana Owo khoreere okiirela itthu sinci-ene.  
Owo ooolevela itampi saka sothene, khukihela  
Erooho Yoowaarya;

Oh, kinnimphenta, kinnimphenta Mulopwana  
ole a oKalileya.

Nampoosito aahirowa iwe olompa mpaani  
m'olompa nihiku nimosa,

Owo aahikhuwela, "O Pwiya, mukimorele  
ikharari!"

Owo aahileveleliwa itampi sothene, nto  
murettele woowixerya waahikela muhina;  
Owo khwira, "Murwe mmoone Mulopwana ola  
a oKalileya." (Ekeekhai.)

Ootuthunya aaheetta, oohilavula aahilavula  
 Owerya iwo waalavuliwa ni ophenta  
 mphareya;  
 Ole ahoona aahikhalihiwa owoona, miyo  
 koosuwela wira vaaweryaneya paahi okhala  
 Ikhbarari sa Mulopwana ole a oKalileya.

<sup>264</sup> Mulikanyihe yeeyo ni orumeyi olelo.

Muthiyana vehimeni, Owo aahimuleela itampi  
 sawe sothene,  
 Moota aarinaawe axiiya athanu okathi ule.  
 Owo aahileveleliwa itampi sothene, nto  
 murettele woowiixerya waahikela;  
 Owo khukhuwela, “Murwe mmoone  
 Mulopwana ola a oKalileya!”

<sup>265</sup> Muthiyana, Owo onniwerya wira ethu yeeyo. Owo oosoma murim’anyu voosiis’ula. Mulopwana, Owo oosoma murim’anyu. Oh, nampoosito, nivekele!

Oh, kinnimphenta Mulopwana ole a oKalileya,  
 a oKalileya,  
 Maana Owo khoreere okirela itthu sinci-ene.  
 Owo oolevelela itampi saka sothene, khukihela  
 Erooho Yoowaarya;  
 Oh, kinnimphenta, kinnimphenta Mulopwana  
 ole a oKalileya.

<sup>266</sup> Nyuwo khamunimphenta Owo, ni miyo, voosiis’ula? Oh, natampi ooheeleya, oothweelela, va wala ota iwo khula nipuro varyaanyu, munoomukupali Pwiya aka voosiis’ula? Owo ti Masu, nto Masu aaruuhiya wa nyuwo. Nyuwo munoomukupali Owo voosiis’ula? Munovenxa matat’anyu wala ovenya khweemela, wala ethu siiso, ni nvekele, mwire, “Kintthuna kimukupali Owo naanaano va. Munna, kinnithuna. Kintthuna naanaano va kimukupali Yoowo.” Munovenya mweemele, khula mutthu ontthuna ovekeleliwa, mwire, “Miyo ka...” wira ovekeleliwe, kiireke, “Miyo ka natampi. Miyo kintthuna...” Muluku ooreeriheni, mulopwana. Mutthu mukina tho? Atthu othene nvekele vano, minuutu mmosa paahi.

Oh, mwaalyela inama mme khalayi, (Eyo yaari  
 mw’evitikavitika, moosuwela, olumwenku ti  
 waaryaaya.) ni koosuwela wira ti siiso,  
 Mwaana mwaamukhaani aahiyariwa wira  
 awoopole atthu mwa etampi aya.  
 Okathi Yohani omoonalyaawe Yoowo  
 okerekhere wa muro, Owo aari  
 Mwaapwittipwitthi yoole a mahiku othene,  
 (Mmosaru Olelo.)  
 Oh, Owo ti Kristu, Ookhomeliwa  
 vamwiikimanyo a oKalvario.

<sup>267</sup> Munoomphenta Owo olelo ni murim'anyu wothene, wira nwerye okhuma mukhalelo ola wa molumwenkuni muryaanyu? Nyuwo athiyana, nyuwo alopwana, oh, mukilaathenle-ni va okathi ula wothene? Eyo enoorowa wooniherya wira yookhala etthu vathi mwa nyuwo, yookhala etthu mmo envoliwa etala ni ntthona. Khamwaarowa okilaathi va iwoora iya piili wala tthaaru, mukilanthe-ene mpaani mu siisa; yookhala etthu. Khamuntthuna wiiwelela yeeyo olelo? Muhiye mihapo ni siyensiya, ni itthu sothene sa molumwenkuni, mukhume mmuupuweloni mwanyu naanaano va, munna oophentiwa mulopwana wala muthiyana oophentiwa.

Ikereja sinimwiiraana, ilapo suulupale  
sinoophweeyasa, Isarayeli onoovenya,  
Ithoonyeryo maprofeta yaahimalyaaya khalayi  
ene;  
Mahiku a Amalapo t'owaalakeya, ni oosareya  
woova;  
“Mutthikele, yawinyu, O oomwaramwareya.”

Nihiku noovuluxiwa nri vakhiviru,  
Mirima s'atthu sinooxanka mwaha wo woova;  
Musarihiwe Erooho, mukhalane mithuko  
sanyu soothokihowi ni sooreera,  
Nwehe osulu! Ovuluxiwa wanyu ori vakhiviru.

Maprofeta owoootha animootha, Ekeekhai ya  
Muluku anookhootta,  
Wira Yesu Kristu ti Muluku ahu.

<sup>268</sup> Vano, eyo ekeekhaii. Nyuwo moosuwela eyo, hiyo othene, nihiku ninkhalaahu. Masi Owo iirale:

Onookhala Waarya okathi wa makaaripi,  
Ephiro ya Moovuwani vekeekhai  
munoophwanya.

<sup>269</sup> Nlo ti nihiku hiyo ninkhalaahu naanaano va. Waarya onimwaarya makaaripi ene okathi epiphi enikelaaya, eneelelo, ethheneeri ya makaaripi.

Eneelelo ni ethheneeri ya makaaripi,  
Nto nuumala yeeyo epiphi!  
Ohikhale oxanka wo olaihana,  
Vookiserya kamalaru opakhira;

Maana sothene sa ota ti sa okathi nnipuro,  
Ni osarya wa maasi pooti okiroiha ottaiwene,  
Masi kintthuna kimoone Nahota aka ethoni ni  
ethoni  
Kamalaru otupha ekerekhere.

Muhikileele, iyaattelo sooxankiha,  
 Ekumi iyo ti yooloha y'ohikhala'etthu!  
 Ni munepa onrupa ti wookhwa,  
 Ni itthu khasihiyo ntoko sinooneyaaya.

Ayo, ekumi ti y'ekekhai! Nto ekumi ti  
 neemexeryo!  
 Ni mahiye kahiyti ekiseryo aya;  
 Maana nyuwo mwa ethaya, munooththikela  
 mutthayani,  
 Khiwaasiwa munepa.

Ekumi ya atthu aalupale enniuuupuxerya  
 Ni hiyo ninoowerya okhalicha ikumi sahu sa  
 osulu,  
 Ni, erowaka, anninihiya,  
 Maravulo vamithaakani sa okathi;

Maravulo a munawoni, wira khino mukina,  
 Eettaka mphareyani woottittimiheya mwa  
 ekumi,  
 Munna oosama ni ooripiwa murima,  
 Oonakaru, onookhalana-tho nrromelo.

Nrowe nivenye, nto, ni niiraka,  
 Ni murima woominyalela khula ekhotto.  
 Muhikhale ntoko, inama soohisuwela!  
 Mukhale oowiivaha mukhottoni!

<sup>270</sup> Muluku Ootthuneya, awo t'Awinyu. Koovoona axilopwana anli ovenya khweemela, Tithi. Miyo kinnivekela, Muluku, wira Nyuwo mwaakuxe naanaano va. Awo antthuna okhala an'nyu. Awo aavenya mmakhaleloni mwa ohisuwela awo yaakhalaaya, nto vano awo antthuna oriirihiwa, ooreheriwa, ni opatiiso wa Erooho Yoowaarya mwa Epyo yaaliwe mmurimani mwaya nihiku nla. Muluku Ohinimala, Mpattuxa a itthu sothene, Yoole opanke Masu Anyu, ni kinnaamini wira Nyuwo mwaahisuwela wira axilopwana ala yaamwiira yeela voosiis'ula. Miyo kinnivekela, Pwiya, wira Nyuwo nvahe maasi Masu awo, othana n'uhiyu, ni muhimutthuniherye Satana waakumiha mmatatani Mwanyu. Okhale mwiri, oParatiiso wa Muluku, okathi sothene sinrowaaya oruuhiwa-tho, maana Masu Anyu khakhanle ovonyaka, awo anookhala-tho. Maana olumwenku ula...

<sup>271</sup> Ni khenrowa okhala enamuna yeela y'ekhalelo y'atthu molumwenkuni onrwa. Khasinrowa okhala ikaaro wala eththu siyensiya otonko awe opaka. Khasinrowa okhala itthu sene iyo molumwenkuni onrwa. Masi enrowa okhala ekhalelo y'atthu ya Muluku Mwaneeene Owo onrowaaawe okhalicha momweneni mwa ntittimiho. Tthiri, mwa ekhalelo yeela y'atthu khipo eretta, okhwa, oxanka, mahiye, ni soothuna. Masi Omwene owo onrwa, khuuvu okhwa, nnakhala oxanka, hata eretta, hata wuuluvala. O

Muluku, sothene sinrowa okhala isya iwe, mwa ekhalelo saana y'atthu Anyu.

<sup>272</sup> Muluku, munirukunxe olelo, ni owerya Wanyu, mureheryaka muupuwelo ahu, wira nirukunuwe mwa itthu soohina-maana s'olumwenku ula vano, nikelaka mwa Masu a Muluku. Ni wira hiyo nireheriwe ni owerya w'orukunxa wa Muluku mwa Epyo eri mmurimani mwahu, ninaamini ahu, nikhalaka soopattuxiwa siniihaniwa aana alopwana n'athiyana a Muluku. Nla nivekelo naka wa Nyuwo, Tithi, wa atthu, mwa Nsina na Yesu. Amen.

<sup>273</sup> Vano wa nyuwo muri woolaleeryani, mapuro othene muryaanyu, Kinthuna wira mmwaakhele Kristu iwo, okhala Moopoli anyu, ni mukhale oosareya Erooho Awe. Masu ahimmwale voosis'ula, Awo amorele mmurimani mwanyu. Ni wira nyuwo vaavo mmwaakhele Yesu. Ni nwehe makhalo anyu, ni moone ethu munikhalaanyu ohoolo waya. Ni mukuxe Efilituru ya mutthu onuupuwela va. Mwaisoona mwiiraka ethu eri yoovirikana ni Masu ala, muhiye, naanaanoru. Munnona? Okhala wira, yookhala Efilituru enkhaliha okhwa ottaiwene wa nyuwo, awo Masu a Muluku. Masu Awe ti Ekumi, ni Awo animoosusihani okhwa.

<sup>274</sup> Nyuwo atthu va vano muri moowiriyanan, miyo kihoopisihani va okathi munci-ene. Kinnooxukhuruni mwaha wo okhala-vo wanyu. Miyo kinvekela wira Muluku ahitthuniherye nnakhala Epyo ela okhwa. Kinroromela wira khamunuupuwela wira kineemela va wira kihimye itthu iya wira kikhale oovirikana. Miyo kinihimya mwaha w'ophenta; ni kisuwelaka wira kinaamwi kiryeene ookhwa, ntoko siryaaka vano, ti emaara emosa paahi enrowaaka owerya waalaleerya atthu. Ni miyo kinniphenta Yesu Kristu. Owo ti Moopoli aka. Ni muupuwele, miyo kaamukhala vate vale mphironi kahaakhanle mwaha wa Yoowo. Kaamwiira kikhanle vale; axitiithi aka othene, atthu aka othene, yaari anatampi. Masi Muluku, ni owerya Wawe wo orukunxa, koosuwela wira wookikhaliha yoopattuxiwa yoovirikana. Ni kinoowerya—kinoowerya wootumereryani, wira ti wooreera. Ni onimookhapelelani okathi wa mikattyamiho. Hata mookhwaani, vamukhora, khimunoova. “Khiivo enwerya onimwalaniha n'uphenta wa Muluku, ori mwa Kristu.” Muluku amureerihe khula mmosa a nyuwo, ni oovaheni Ekumi Ehinalima.

<sup>275</sup> Akavi mu ahirina Epyo ya Muluku, opatiiso wa Erooho Yoowaarya? Mwaamutthuna ovenxa ntata, mwiire, “Mukuupuwele, Munna Branham, wira kaakhele Erooho Yoowaarya eyo.” Vano mukuxe Masu mwawinyu—mmurimani mwanyu, ni mwaamini Yaawo. Vano nyuwo mwa... Nyuwo pooti wiiweha. N'uvela oweha valoolani, nto munooowerya woona vatthu varyaanyu. Moone, munooowerya osuwela.

<sup>276</sup> Nyuwo muniira, “Ahe, miyo nkivenxale ntata, okhala wira kinnaamini wira kookhalana.”

<sup>277</sup> Mwiiwehe mmansinyu muloolani, vano munimoona muthinto xeeni wa erooho onoowokani, moone. Muupuwelo wowoototha! “Yookhala ephiro enooneya oreera wa mutthu, masi emalelo aya iphiro sa mookhwaani.” Eyo ekekhai?

Vamwikimanyo vaavo Moopoli aka  
okhwiyaawe,  
Vale wa orapihiwa itampi miyo kaahinla;  
Oh, vale murim’aka wahiheliliwa Ephome;  
Ovuwa...

<sup>278</sup> Mphunye maitho paahi, minuutu mmosa vano, nto mmwiipele yeeyo Yoowo. Nrowe nivenxe matata paahi.

Nivuwihiwe Nsina Nawe! (Nsina Nawe  
nooreerexa!)  
Nivuwihiwe Nsina Nawe!  
Vale murim’aka waahiheliliwa Ephome;  
Nivuwihiwe Nawe...

<sup>279</sup> Kintthuna wira nyuwo aKristu nvahane matata mmosa ni mukhwaawe, yoowo ooponwe.

Voothamaleya kihoopoliwa mwa etampi,  
Yesu voomaleleya onikhala muhina,  
Vale vamwikimanyo vaavo Owo okirowanne  
awe;  
Nivuwihiwe Nsina Nawe!  
Nivuwihiwe Nsina Nawe! (Nsina nooreerexa!)  
Nivuwihiwe Nsina Nawe!  
Oh, vale murim’aka waahiheliliwa Ephome;  
Nivuwihiwe Nsina Nawe!

<sup>280</sup> Ephome yookhalana eropo y’Ekumi mwa Yeeyo, nyuwo moosuwela. Ela ti w’ale ahimmusuwela Owo:

Oh, murwe v’Ephattuweloni yeela yoowaatta  
ni yooreera;  
Muroihe munep’anyu woohaawa munawoni  
mwa Moopoli;  
Oh, mpwine olelo, ni mukhale oomalela;  
Nivuwihiwe Nsina Nawe!  
Oh, nivuwihiwe...

Nuuramihe muru ahu vano okathi oniip’ahu yeeyo.

Nivuwihiwe Nsina Nawe!  
Vale murim’aka waahiheliliwa Ephome;  
Nivuwihiwe Nsina Nawe!

<sup>281</sup> Munnimphenta Yoowo? [Muthukumano oniira, “Amen.”—Mol.] Paulo ohimmye wira, “Kinimwiipa Muroohoni.

Kinookokhorela Muroohoni.” Nrowe niipe-tho yeeyo voomaaleleya, ni matat’ahu osulu.

<sup>282</sup> Nyuwo moosuwela, mulattu ene ti, hiyo atthu aPentekosite, hiyo noopwetexa otthapa wahu, hiyo noopwetexa ohakalala wahu murima. Ntoko Billy Graham saahimmyaawe ohiyu uwo, “Alaleyi ale, mikala sookhuniwa, erowaka Okuusini, emanaka ikuphwí, ni amanaka inawu saya osulu ni vathi, n’unyakela, awo yaahikhalana etthu emosa awo yaakhalelaaya ootthapa.” Ahe, ayo, kookhalana Etthu kinikhalelaaka ootthapa. Munnona? Munnona? Ayo. Ayo, hiyo noopwetexa ohakalala wahu murima.

<sup>283</sup> Vano nrowe nivenxe matata paahi. Muhivelavele mwaha wa maithori, awo khanrowa ohonona etthu, moone. Awo khanihonona. “Ole onrowa waala, anlaka, onootthika tthiri, oruuuhaka mavisi ooreeraxa.” Vaareera.

Nivuwihiwe Nsina Nawe! (Nsina nooreerexa!)

Nivuwihiwe Nsina Nawe!

Vale murim’aka waahiheleliwa Ephome;

Nivuwihiwe Nsina Nawe!

Nivuwihiwe Nawawe . . . (O Muluku!

Attottopeliwe Muluku!)

Nivuwihiwe Nsina Nawe!

Npwinihe Epyo, Pwiya, mmurimani!

. . . murim’aka waahiheleliwa Ephome;

Nivuwihiwe Nsina Nawe!



*OWERYA WA MULUKU WO ORUKUNXA* EMK65-0911  
(God's Power To Transform)

Mutthak'ola wa Munna William Marrion Branham, opaceryawene olaleeriwe ni Enkelesi Esaapatu voosiisu, mahiku yeettaka 11 mweeri wa Setembro, 1965, woolyaani wa voosiisu wa Opatthana wa Mulaponi mothene wa Alipa a Nakoso a Ehapari yooreera Yoomalela oRamada Inn oPhoenix, Arizona, wAmerika, okuxiwe wo okaravariwa mufitani ya makineti khulempwa wothene ni nttaava n'Enkelesi. Otaphuleliwa nno mw'Emakhuwani okhumiheriwe ni okaiwe ni Voice Of God Recordings.

EMAKHUA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Olopola mwaha wa ihaakhi sa mwaneene

Ihaakhi sothene sinnaakiheriwa. Eliivuru ila pooti otthittiwa owaani wira mutthu arumeele wala okaiwa, voohilinvwa etthu, ntoko ekaruma y'olaleerya Ehapari yooreera ya Yesu Kristu. Eliivuru ila ehitumihiweke, otthittiwa eyaattelo yuulupale, oheliwa muwepisaiti, oheliwa moothukumanyiwa wira ekuxiwe-tho, otaphuleliwa ni mattaava makina, wala orumeeliwa wira ophwanyiwe musurukhu vahikhanle n'utthuniheriwa woolempwa ni Voice Of God Recordings®.

Mwaaphavelaka wiiwa-tho wala ikaruma sikina sikhanle, xontte mulavule ni:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)